

I CINAMATIZYO CANE



Kwasiya kabotu. Twa kotamika mitwe yesu lino asyoonto buyo, ku mupailo.

² Taata wesu Wakujulu a Siluzyalo, twa swena kuli Nduwe alubo sunumasiku, lino, mu Zina Iya Mwami Jesu, kupa kulumba kuli Nduwe ku buzuba bumbi. Elyo lino tulomba zileleko Zyako aa kuswaangana oku sunumasiku. Lekela Muuya Uusalala kusika a kutupa bupanduluzi bwa zintu ezi nzo tuyandaula cakusinizya loko. O Leza, akube kuti cibe ciyandisi kapati cakuti inga twa swaangana toonse ku Ijwi munzila ili boobu, kuti, cindi twa zwa, tu konzye kwaamba kuti, “Sena myoyo yesu tee yali kupya muli ndiswe mbuli Mbwali kaambaula kuli ndiswe mu nzila?” Twa Ku lumba obo Mbo kabede kuli ndiswe, a kusyoma kuti Uyo oba mbubonya andiswe mbuli mbo tu zumanana kweenda, nkambo twa cilomba mu Zina Iya Jesu. Ameni.

³ Kkomana loko kujokela mu ng’anda ya Mwami, sunumasiku, mu kuswaangana alubo! Elyo tuli boteledwe. Ndili kkomene loko kuti . . .

⁴ Yeeya buyo eci kuti Cimwi tee caboola, pele kumalekelo Ca cita. Elyo Ndili lumbide loko, kuti mukuba mamanino aa basikutanta abo bone, kwalo Ndi yeeya kuti ncimwi ca Milumbe mipati ku Mbungano ku ciindi ecino.

⁵ Ta ndizi na Cimwi cimbi mbo cibede. Ndi citambula buyo buzuba a buzuba, mbuli buyo Mbwa Ci yubununa. Ndi sola ku—ku Ci pa, ku . . . mbuli Mbwa Ci pa kuli ndime.

⁶ Sa muli mukubotelwa i—i cilongezyo? [Mbunga yaamba, “Ameni.”—Mul.] Sena mwakabona nzila Calo buyo, mu kubeleka antoomwe a makkalo aa mbungano, mbo Ci njilana buyo kabotu cakulondoka a ngawo? Eyo nje nzila ci . . . Kuli ndime, citondezya kuti calo—calo Muuya Uusalala nguwenya wakapa makkalo aa mbungano, Muuya Uusalala nguwenya mpawo kaupaa Ceeci, nywebo mwabona, nkaambo cila swaanganisigwa antoomwe; mucito omwe oonse mupati wa Leza, kalitondezya Mwini mu nzila zyandeene.

⁷ Nywebo mwabona, cindi Na kalitondezya Mwini kuli Daniele, mu zilengaano, kwakali kuyooba kwiiminina kwa cintu comwe, mbuli ii—ii mpongo mu busena obu, ndiza cisamu; elyo busena butobela inga caba cibumbwa. Elyo—elyo—elyo zintu Nzya kacita, ku cibamba, cintu nciconya ciindi coonse, masimpe buyo kutegwa tu taciimpyi.

⁸ Lino, Ndali boteledwe nconzyo ziindi zisyoonto zyainda, Ndali kwaambaula ku mulindu muubauba uukkede awa,

utandila myaka ili makumi alilusele ayosanwe yakukomena. Elyo waa . . .

⁹ Kutali kaindi, Nke tana buyo kuzwa kuya kumbo, baa, kwakali ii—ii musimbi muniini kutala mu Ohio, oyo wakali, Ndi yeeya boobo, oyo wakali kufwa ku lukemiya ya cibeela camamanino. Lino, leukemiya ndi kkulenge mu kukunka kwa bulowa. Elyo, oh, cintu ciniini cakali, nywebo mulizi, ciimo cibyaabi loko, cakuti kwakanyina bulangizi bumbi bwakwe pe. Ba kali kumusanina kwiinda ku nsinga, kupandulwa. Elyo aboobo bakali mukwasyi mucete maningi. Elyo ba . . .

¹⁰ Muka. Kidd, awa, a Mukwesu Kidd, baka baambila kujatikizya Mwami kaingula mupailo maningi. Elyo baka boola antoomwe, Mbwe yeeya, a kubbadela muntu umwi, a kuleta musimbi muniini kumusanza. Alimwi wa kali musimbi muniini mubotu loko, uutandila, oh, cisambomwe, myaka ili ciloba yakukomena. [Ii mucizi waamba, “Myaka ili fuka.”—Mul.] Myaka ili fuka. Alimwi—alimwi waa kali kusule omuya mu kaanda. Elyo i . . .

¹¹ Elyo cindi nitwa kaunka kumbele lya Mwami, Muuya Uusalala wakapa ijwi kuli nguwe. Elyo beelede ku mutola, alimwi beelede ku mutola a ku musanina, nywebo mulizi, nzila eyo. Elyo cindi na kazwa, waa kali kulila hambaga, alimwi, aboobo, ku mupa cakulya cakwe ku mulomo. Elyo baka mupa hambaga, a kuzumana buyo ku musanina mbuli bupange.

¹² Mu ciindi cisyonto, mazuba masyoonto, baka mujosya kuli dokotela. Elyo ba . . . Dokotela taka konza ncobeni kumvwisya. Wa kati, “Mbuli cata kaliko, akwalo kuti takali musimbi nguonya.” Wa kati, “Baa, ta—ta kukwe akwalo mukondo omwe wa leukemiya kujatikizya ncico, alionse, alionse pe.” Aboobo, alimwi, wa kali kufwa. Ba kamu lanzizye meso buyo; kumu sanina buyo kwiinda mu nsinga zyakwe. Waa kasandukide kuba yello. Nywebo mulizi nzila mboba jana. Elyo aboobo ba . . . Elyo lino uli ku cikolo, kasobana a bana bambi, kakkomene buyo mbuli mbwa konza kuba.

¹³ Cindiyezya kaambo kambi ka ceeco. Buzuba bumwi, Nda kazwa kusika ku ng’anda, kwakali ii . . . Ikuti na Nse lubizya, bakali bantu bana Espiscopaliani na Presbyteria, abo baka letede musimbi muniini kuzwa ku Kansas. Elyo madokotela baka mulanzya meso buyo, kajisi leukemiya. Elyo ba kamupa, Nda syoma, mazuba one akupona; waa kaindila kulimvwa bubyaaabi. Aboobo bakati baka manizya buyo ayo mazuba one kaba boola kokuno, kwiinda mu zilwi zya caanda a zintu, kulanduka cisi, kutegwa aka kombelwe. Elyo syanene, mudaala wakali, kuboneka kabotu loko, waka jisi mvwi.

¹⁴ Elyo ba kamuletede, kale, mazuba obilo, kunselelo okuno mu motelo niini. Ndi—Ndi yeeyela kuti ta ciimvwi awo lino, lubazu olu lwa Silver Creek. Elyo aboobo Nda kaselemuka busiku

obo kuyo mukombela. Cakali cifumo maningi. Nda kanjila busiku obo, kuzwa mu dolopo, a kuunka kumusanza. Elyo taata wacipati. . . syanene wakali kweenda aa cibuye. Elyo, banyina, baka sola kumamela mwana.

15 Elyo kucindi Ne kafugama kukomba, Muuya Uusalala wakandi yubununwida kaziye ako kakali akati ka i—i banyina a bawisi, ka cintucimwi ncoba kacita. Nda kabaita ku mbali a kuba buzya kujatikizya ncico. Ba katalika kulila, bakati, “Mbo mbubo.”

16 Mpawo Nda kacebuka, nkabela Nda kabona musimbi muniini kasotoka sotoka ntambo, kayabuya, kasobana. Elyo lino mwana muniini. . . Mu kutandila ciindi ca mvwili zyatatwe, ba kandi tumina cifoto ca musimbi muniini, kupilikula mu cikolo, kasotoka sotoka ntambo, nkabela ta kajisi leukemiya, pee.

17 Lino, lino, obu bumboni nkasimpe keni ncobeni, mwabona. Aboobo, Leza wesu ngwa kasimpe loko, nywebo mwabona. Tu Mu belekela buyo a—a ku Mu syoma. Elyo—elyo Ndi—Ndi lizi kuti Ngwa kasimpe.

18 Lino, Nda soleka lino ku bubotu bwangu, alimwi kucindi cintucimwi, mukati, akati kesu, cila beleka nzila Yaco yoonse. Elyo lino tula soleka, sunumasiku, kwiinda ku luzyalo lwa Leza, ku bweza eci Cinamatizyo Cane, a kubona eco Muuya Uusalala ncouyo twaambila, muli Ncico.

19 Lino Ndila bala i—i Ciyubunuzyo, cipati 6, a kutalikila kampango 7; ka 7 a ka 8. Kuli tumpango tobilo lyoonse; kataanzi nka kwaambilizya, a kampango kabili nka ceeco nca kabona.

Elyo cindi na kajula cinamatizyo cane, Nda kamvwa jwi lya munyama wane—wane kaamba, Boola ubone.

Elyo Nda kalanga, akubona mbizi isiyasiya: alimwi zina lyakwe oyo wakakkede ali njiyo (oyo wakakkede) wakali Lufu, a Gehena yakali kumu. . . .tobela. Elyo nguzu zya kapegwa kuli mbabo ku zibeela zyone zya nyika, ku kujaya kubelesya i cceba, a kubelesya nzala, a kubelesya lufu, a kubelesya. . . .banyama ba nyika.

20 Lino, Mwami atu gwasye lino kumvwisya Ceeci. Alo maseseke.

21 Lino, kubona kusyoonto buyo, ku kugwasya, mbuli mbo twa kacita makkalo aa mbungano, aba basikutanta akooku kunamatula kwa Zinamatizyo ezi. Lino, aboobo atu cinjizye buyo mu mizeezo yesu, kwaambaula kusyoonto kusikila twa limvwa kuti nciindi ceelela ku kanana.

22 Lino, twa kabona lino, kuti, kunamatula kwa Zinamatizyo, ndi Bbuku linamatikidwe lya Lununuko. Elyo mpawo Bbuku lila vungwa mbuli skroo, mbuli buyo nzila ya kaindi mboya kabede.

23 [Mukwesu Branham upandulula kuvungwa a kunamatika kwa skroo, kwiinda ku kubelesya mbali zya mapepa—Mul.]

Tee lyakali bbuku lya musyobo *oyu*; nkaambo eli lyakazwaa kunjila calino, misyobo eyi ya mabbuku, mu mamanino, oh, Ndi yeeyela kuti myaka ili mwaanda a makumi osanwe, na bumwi, myaanda yobilo. Elyo mpawo bakali kunga bali vunga, mpawo kusiya mamanino atebede. Mbuli Mbwe ka mwaambila mbo kwa kacitwa, alimwi Magwalo, oko nko tu cijana, alimwi muli Jeremiya, abamwi bambi. Mpawo citobela lyakali vungidwe koonse, mpawo kusiya mamanino atebede, alimwi cakali mbuli *obo*.

²⁴ Elyo acimwi cakali Cinamatizyo. Elyo lyakali Bbuku linamatikidwe azinamatizyo zili ciloba, alimwi lya kali ii...Taakwe cimwi...Cindi niba kali...Lyakali Bbuku linamatikidwe aazinamatizyo zili ciloba lya Lununuko. Mundi jatile.

²⁵ Elyo, mpawo, taakwe umwi ku Julu na mu nyika, na kuni lya nyika, wakali kweelela ku Li jula na akwalo ku Li langa. Elyo Johane wakalila, nkaambo ta kakonzya kujana muntu... Nkaambo, ikuti eelyo Bbuku nilya taka gusigwa mu janza lya Mukamwini mutaanzi...Oko, Lya kasweeka kwiinda kuli Adamu a Eva, a kupiluka, niba kamana kusweekelwa inguzu zyabo izya Ijwi, zisyomezyo, lukono lwabo.

²⁶ Balo, amuyeeye, baleendelezya nyika. Wa kali ii—wa kali kaleza kaniini, nkambo wa kali mwana wa Leza. Alimwi mwana wa Leza ngu ii—ii—kaleza kaniini. Lino, eco ta ciimpene ku Lugwalo. Ndi lizi eco cilimvwisya bweenzu.

²⁷ Pele Jesu wakati, “Ikuti na mula baita, abo Ijwi lya Leza nko lyakasika...” Elyo ino Ijwi lya Leza liboola kunzi? [Mbunga yaamba, “Basinsimi.”—Mul.] I basinsimi. “Ikuti na mula baita, abo Ijwi lya Leza nkoli boola kuti, ‘tuleza,’ mbobuti mbo mukonzya ku Ndipa mulandu cindi Nda amba kuti Ndili Mwana wa Leza?” Mwabona?

Elyo, lino, bakali tuleza.

²⁸ Elyo muntu, ikuti na wazyalwa mu mukwasyi wa zina lya mukwasyi wako, uli mwana, a cibeela ca bauso.

²⁹ Elyo mpawo—mpawo cindi cibi nicaka njila, twa kajana kuti muntu wakazabuka mugelo. Elyo—elyo bulowa bwa bacende a mpongo, bwakavumba, pele tiibwa kagusya. Kusikila, Musamu wini uusalazya niwa kasika, wakali kukonzya kubweza mbata ya cibi a kwiipasaula mu tupanzi cakumaninina, a kwiitumina kujokela kuli sikusandula wayo mutaanzi, oyo wakali Saatani.

³⁰ Cindi niya kajokela kuli Saatani, walo ulindila ciindi cakwe kuzimaazigwa Kutamani. Lino, eco citondezya nco tu syoma. Tu syoma kuti unyonyoonwa cakumaninina ncobeni a kuzimaazigwa.

³¹ Ndi syoma kuti cibi ciyo pasaulwa. Elyo cindi caambwa, aa mbaakani ya Bulowa bwa Jesu Kristo, cili mbuli kulosya

inkii uusiya mu cikama ca musamu uusalazya wa Kklorokisi. Ci pasauka buyo kuba makkemikko, a kucitumina kujokela kule oko nkocaka zwida. Mwabona? Eyo nje nzila Bulowa bwa Jesu Kristo mbo bucita.

³² Mpawo, eco cizabusya muntu aa mugelo alubo, mbuli mwana wa Leza. Mwabona? Elyo mpawo wa—mpawo wa ba ii—ii . . . Baa, akwalo wa . . . Inguzu zyakulenga izya Leza zili muli nguwe. Elyo, nokuceya, kufumbwa cindi Leza ula konzya ku cilailila kucitwa, ciyo citwa. Elyo tu piluka musule. Eco cindi i—i . . .

³³ Musa, kungsi lya bulowa bwa bacende; alimwi cindi na kaswaana oyo Mumuni, Musumpululu wa Mulilo mu citeo eco cakali kuyaka. Elyo wa kaima, kumusanza okuya, aa kutumwa oko Leza nkwa kamupa. Elyo wa kali musinsimi. Elyo cindi Ijwi lya Mwami nilya kamusikila, wa kaambaula, alimwi azyalo zintu zya kalengwa ku Ijwi. Mwabona?

³⁴ Lino, ikuti na ciyo cicita eco kungsi lya ceeco, bulowa bwa bacende, ino kujatikizya Bulowa bwa Jesu? Ta vumbidwe; pele caka lekelelwa, kumaninina. Elyo waima mu Busyu bwa Leza, mbuli mwana wakanununwa. Lino, mwabona, Mbungano iliindilide loko ku ciimo cayo ca kupona. Elyo Ndi yeeya kuti, ziindi zinji, tula vwentauzya mu cibaka ca kuyutuka kasimpe a kulanganya kaambo.

Ndi jisi cintucimwi Nce yanda kwaamba, alimwi Ndila—Ndila cita aa ciindi.

³⁵ Elyo lino amubone kuti kuli cintucimwi cilubide abusena bumwi mu mabungano. Elyo Ndi yeeya kuti nziyanza zya tubungwe zya nyonganya mizeezo ya bantu, a zimwi zimbi, kusikila tabazi nzila ya kucicita. Mbo mbubo.

³⁶ Pele twa kasyomezegwa kuti Ciyo yubununwa. Elyo lino nzezyo Zinamatizyo zili Ciloba ezyo zinamatikidwe mu Bbuku eli. Elyo ezyo Zinamatizyo zili Ciloba lino . . .

³⁷ Elyo mpawo ezi Zinamatizyo zili Ciloba zya kumanizigwa, tu jana kuti, mu Ciyubunuzyo 10, kwakali Mizuzumo ili ciloba yamaseseke yalo Johane nja kalaililwa kulemba, pele mpawo waakasigwa kulemba eyo. Elyo ku ciindi ca Mizuzumo eyo, tu jana Kristo, na, “I Angelo kaseluka a fulicoongo, a kubikka matende Akwe aa nyika a lwizi, a kukonkezya kuti ciindi cakali manide, ku ciindi eco.”

³⁸ Elyo mpawo tu jana—jana kuti, mu kuyubununa Zinamatizyo, cakuti i—i Kabelele waka siya mulimo Wakwe wakwiimaakati mbuli Sikukombelezeya, nkabela waka yutuka lino ku kutaminina nguzu Zyakwe, boonse abo Ba kanununwa kwiinda ku lufu Lwakwe.

³⁹ Elyo, mpawo, taakwe umwi wakakonzya kujula Bbuku. Taakwe umwi waka Li mvwisya. Lya kali Bbuku lya Lununuko. Elyo Leza Taata, Muuya, wakali Li jisi mu janza

Lyakwe, nkaambo Kristo wakali ku Cuuno cabwami mbuli Sikwiimaakati, Sikwiimaakati alikke. Nkikaako, tee kwa kakonzeka kuba musalali, nanka Mariya, nanka Josefa, nanka cintu cimbi, aa cipaililo eco, nkaambo bwakali Bulowa. Elyo cita Bulowa bwa Jesu mbubwa kakonzya kubamba mulungo, aboobo kwiina cimbi cakakonzya kwiima mbuli Sikwiimaakati. Mbo mbubo. Kwakanyina cintu cimbi.

⁴⁰ Aboobo oonse oyu muzeezo wa kukombelezeyza kwa Judi ku tunzenyu, a kukombelezeyza kwa Musalali Cecilia ku cintucimwi cimbi, obo mbufuba. Eco tacili. . . Ta—Ta ndaambi kuti balo bantu tabasyomeki akusinizya pe. Ta ndaambi kuti taba sinizizye mu kucicita, ikuti mwa cita. Pele, muli lubide, muli—muli sinizizye cakulubila. Elyo kufumbwa cintu. . .

⁴¹ Ba lati, “Ee, oyu—oyu Angelo, oyu—oyu wakalibonya ku Musalali Bonifer a kwaamba *ceeci*, *eco*, a *cimbi*. Elyo beelede kwaamba *ceeci*.” Nse zumbauzyi eco nokuceya, mu mizeezo yangu, pele kuti muntuumwi wakabona cilengaano. Nse—Nse zumbauzyi kuti Joseph Smith waka bona cilengaano, pele tee cakeendelana a Ijwi limwi. Aboobo nkikaako, kuli ndime, cili lubide. Mwabona? Ceelede kuboola antomwe a Ijwi limwi.

⁴² Obo mbwabede makkalo aa mbungano, a Zinamatizyo, azyoonse zimwi Zyaco. Elyo cindi muntu umwi ayeeya kuti ujisi eyo Mizuzumo ili Ciloba, ikuti na ta ceelani a Ijwi limwi, kuli cintucimwi cilubide. Mwabona? Ceelede kuboola, MBUBOBU MBWAAMBA I MWAMI, nkambo *Eli* ndi Bbuku. *Eci* Nciyubunuzyo ca Jesu Kristo, mu buzule Bwaco.

Lino, Ndila—Ndila syoma mpawo kuti Kabelele waka yutuka.

⁴³ Tii bakazi. Johane wakali kulila. Ta kakonzya kujana muntu, ku Julu, mu nyika, nkaambo boonse bakali ku lubazu lumbi lwa mugelo, mwabona, cibi. Kwaka nyina muntu. . . Elyo Angelo, mubwini, Na keelela, pele, nekuba, kwa keelede kuba Sikamukowa. Wa keelede kuba muntunsi. Alimwi kwakanyina cintu cili boobo, nkaambo muntu oonse wakazyalwa kwiinda ku nkwela.

⁴⁴ Kacita ku Mu bweza Oyo wakazyalwa kakutakwe njiyo. Aboobo Leza Mwini wa kabweza eeco, mu kuzyalwa kwa nakalindu, a kuba Emanueli. Bulowa Bwakwe bwakali, ee, Umwi wakali kweelela. Mpawo cindi Na kazabuka mugelo oyu, Mwini, a kubbadela muulo a kubamba nzila ya kuzabukila bamwi besu, mpawo Wa kakkala, kuba Sikwiimaakati. Alimwi Uli kkede alya.

⁴⁵ Elyo Bbuku lyaka jalwa ncobeni, ku ciindi coonse eco. Nko lili, pele Li cili mu ziiminizyo. Baka Li bona. Johane awalo waka Li bona. I kwaambilizya, cindi citaanzi nicaka boola, wa kati, “Ii mbizi iituba ya kaunka; ya kajisi sikutanta ali njiyo; waka jisi buta mu janza lyakwe.” Eco nciiminizyo. Eco tacyubunwidwe.

Peepe. Calo nciiminizyo buyo. Elyo, kuciimo ca muntu uli oonse aa nyika, nku koonse nkwakali kukonzya kwaamba. Mbo mbubo. Inga wazungaana a kuzungaana, kwiina kuzumbauzya, kuuma amwi *awa* na *alya*, alimwi kwainda kaindi.

⁴⁶ Pele tu jana kuti, mpawo, eco mu Bbuku lya Ciyubunuzyo, “Ku Mulumbe wa angelo waciloba, maseseke (oonse maseseke a Ncico) eelede kale kuyubununwa ku ciindi eco.” Lino, eyo ngu Ciyubunuzyo 10:1-7, kuti Ce elede kuyubununwa kweendelana ku ciindi eco, ku ciindi eco eelyo Na kacicita.

⁴⁷ Mpawo Mizuzumo ili Ciloba yandindima majwi ayo meenzu, nkabela Johane wakali kuunka kuyo alemba. Pele, Johane wakalizi obo mbo Ca kabede, pele ta—ta ka Ci lembe nkaambo wa kakasigwa ku Ci lembe. Ayo nincobeni, a kumaninina, kuba maseseke. Ta lemedwe akwalo mu ciiminizyo na cintu. Tu zyi buyo kuti Wa . . . Ca kazuzuma, kwamana.

⁴⁸ Elyo lino mu kulangalanga ceeci lino, muta lubi, lino, Munsondo, na Munsondo cifumo, twa kasotoka mulimo wa kuponya nkaambo kakuba a bwiinguzi ku i—ku mibuzyo ya bantu. Lino, Ndi yanda kuba amubuzyo aa Zinamatizyo zili Ciloba, ikuti na cila musyupa, cintucimwi ncota mvwisyi. Atube ancico aa Zinamatizyo zili Ciloba. Mpawo inga Nda mwaambila, bwa Mujibelo masiku, naa ku leelela ku—ku vwiila njiyo, na pe, nywebo mwabona. Elyo mpawo ndyoonya lino, kwaamba buyo, ee, kujatikizya cintucimwi cimbi, na, “Sa Nde elede kucita *ceeci*?” Na—na, kwayanda wakajisi ciloto. Zyalo, zyalo nzintu zyonse zyelelela, lino, amuyeeye. Zyalo nzintu zyelelela. Pele atu kkale ncobeni a Zinamatizyo zili Ciloba. Awo mpo tubede ncobeni. Atu . . . Obo i—i muswaangano mbo ubambilidwe, Zinamatizyo zili Ciloba. Atu kkale ncobeni a Ceeco.

⁴⁹ Nde elede kuya ku muunzi, eelede kuba amiswaangano misyoonto okuya kujwe. Ndiyo jokela mpawo, aniini kwainda mweezi na yobilo, na cintucimwi mbuli ceeco, alimwi ndiza Mwami uyo cizumizya eco kuti inga twaba a cintucimwi cimbi aali ceeco, ndiza mulimo wa kuponya na cintucimwi mpawo, na kufumbwa nco tu . . . kufumbwa mbocibede.

⁵⁰ Mpawo tu jisi Myeembo ili Ciloba okuno, ici boola, nywebo mwabona. Elyo yoonse iboola mukati omuya, ayalo. Elyo Mitiba ili Ciloba, mwabona, yeelede kutilwa. Aboobo, nkabela ciyo sangana coonse moonya omu, pele coonse cicili maseseke.

⁵¹ Lino, masiku ainda . . . Twa ka jana kuti Cinamatizyo Citaanzi ca keenda, nkabela sikutanta . . . Elyo Mwami . . . Aboobo amundi gwasye, Nse kacizi kale. Taakwe zintu ezi Nze kasola kuziba kale. Mbo mbubo. Elyo Nse zyi ncobeni.

⁵² Kuunka buyo kutala okuya, a kubweza Bbaibbele a kukkala, a kukkala alya kusikila cindi Ca talika kunamatuka mbuli

boobo. Ndi bweza buyo peeni a kutalika kulemba. Elyo kukkala buyo awo, ndiza kwa maoora, mane Ca—Ca maninina.

⁵³ Mpawo Nda jokela, alimwi Nda langalanga, mbuli Mbwe bona awo Mpa kaamba Ceeci. Nda yeeya, “Ee, boneka mbuli kuti Nda kacibona eco amwi.” Nda bweza konkodansi yangu, kuunka kulanga alimwi. “Sa kuli cintucimwi mbuli Ceeco? Elyo nceeci Cili mpoonya *awa*. Alimwi mpawo nceeci Cili a busena *awa* alubo. Alimwi Cili kusule *awa*, aansi *awa*, a busena *awa*.” Mpawo Ndi Ci swaanya buyo moonya mukati. Ndi lizi kuti ngu Leza, kufumbwa kuti ka Ce endelana ku Lugwalo a Lugwalo. Eyo nje nzila mbo Ce elede kucita. Mbuli buyo kuyaka buyake, mabwe aeledede kunjilana kabotu, bbwe ku bbwe.

⁵⁴ Lino, busiku bwainda twa kajisi kujulwa kwa i—kwa Cinamatizyo Catatu. Citaanzi yakali mbizi iituba, a citobela yakali mbizi iisubila, elyo mpawo mbizi iisiya. Elyo twa kajana kuti basikutanta wakali sikutanta nguwenya, ciindi coonse; nkabela oyo wakali sikulwanakristo, ku kutalika. Ta ka jisi—jisi musyini, pele wa tambula omwe nikwakainda kaindi. Elyo mpawo twa kajana kuti wa kapegwa cceba, lya kugwisya lumuno kuzwa aa nyika, alimwi twa kajana kuti wa kacita eco. Elyo mpawo wa kanjila a tuyanza twa buzumini bwa kupa, mbungano a mali, ku kweeleka isheleni kuli *ceeci*, a makkobili obilo kuli *ceeco*. Pele wa kakasigwa kuguma Mafuta a waini, oyo wakali muniini waka syeede.

⁵⁵ Elyo mpawo twa pa, kalekela busiku bwainda, a bupanduluzi bwa Mafuta a waini mbobwa kabede, a nguzu ezyo Ngo zyaka jisi. Elyo twa . . . Kwayanda cakalila ca nciki aniini, pele Ndi . . . calo Mbwini ncobeni. Mwabona? Lino, twa kalekela aa . . . Atu, kaindi buyo kasyoonto, kulangalanga alimwi kwa ceeco lino. Elyo mpawo twa kalekela, aa nguzu zya waini, eco Mafuta nca kaiminina, Muuya. Lino, Nda yeeyela nyoonse mwaka cimvwa coonse kusika ansi. Muyo cijana aa teepu, ikuti na tee wakacita. Elyo oko kwakujana Magwalo, kuti, mafuta lyoonse aiminina Muuya Uusalala. Mbuli banakalindu bafubafuba bata kajisi Mafuta, banakalindu basongo baka jisi Mafuta, uuli Muuya Uusalala. Elyo mpawo kaindi, mu—mu i—i basinsimi, abamwi bambi. Elyo lino Ndi . . .

⁵⁶ Mubwini, Nse soli kusomona Lugwalo alumwi omuya. Elyo kuli nzintu nzo takonzyi akwalo kubandika; tola ciindi cinji loko. Pele Ndila sola kubikka abusena awa, a Magwalo a zimwi zimbi, kunji buyo kupa bantu kutegwa ciba lekele kuziba a kubona ciimo Caco. Pele ikuti inga wakkala a cimwi ca Zinamatizyo, baa, ma, ula konzya kutola nkambauko zya mweezi busiku abumwi, mpoonya aa Cinamatizyo eco, elyo nekubaboobo akwalo kuta Ci guma, mwabona, aa cimwi Cazyo. Alimwi oko nko kunji—kunji kuliko kuli Ncico. Pele, kuuma tubeela tuyandisi twa Ncico, mpawo inga wa—inga wabona mbo Ci bede coonse.

57 Lino, mbuli mafuta akaiminina Muuya Uusalala. Mpawo twa kajana kuti mafuta a waini zili swaangene mu bukombi, mwabona, lyoonse zili swaangene mu bukombi.

58 Elyo waini, Nda kati, eco cakasika kuli ndime, kuti waini iminina kuti zyakali nguzu zya—zyakali nguzu zya kubukulusya kwa ciyubunuzyo. Mwabona? Alimwi eco ncindi cintucimwi nicaka yubununwa. Cipa cibukulusyo ku musyomi, nkaambo ca tondezegwa ku ciyubunuzyo. Mwabona? Calo ncintucimwi eco Leza nca kaamba. Alo maseseke; taba konzyi Kwa mvwisya, mwabona. Elyo, kwiinde kaindi, Leza waka seluka a ku Ci yubununa, elyo mpawo ku Ci simpikizya.

59 Amuyeeye, ikuti na Bwini bwa yubununwa, Bwini bwasiimpikizigwa abwalo. Leza, cakuzumanana, takukwe makani obo muntu musongo mbwanga waba, obo mbwanga waba simaanu mu mizeezo yakwe; ikuti na Leza taiminini eco ncaamba, kuli cintucimwi cilubide. Mwabona? Nconzyo. Nkaambo, ndi Ijwi.

60 Lino, cindi Musa nakaunka kubusena okuya kungsi lya kuvumvwa kwa Leza, wakati, “A ziboole nzinini.” Nzinini zyaka boola. Kati, “A kuboole bacula.” Bacula bakaboola.

61 Mwabona, ino kuti na kati, “A kuboole nzinini,” nkabela tii zyaka boola? Mwabona, mpawo ta—ta ka kanana Ijwi lya Mwami, mwabona; wa kaamba buyo, wa kaamba ijwi lyakwe mwini. Kwayanda na kayeeya kuti kweelede kuba nzinini. Pele, taakwe—taakwe nzinini zimwi zyaka boola, nkaambo Leza taka mwaambila boobo.

62 Elyo cindi Leza akwaambila cili coonse, alimwi waamba, “Koya kacite *ceeci*, nkabela Njo lulama ancico, nkambo eli ndi Ijwi Lyangu,” elyo Wa citondezya mu Bbaibbele, mpawo Leza waima nkoonya kusule lya ceeco. Elyo ikuti na ta cilembedwe mu Bbaibbele, Leza ulaima kusule lya ncico, nekuba, ikuti na ndi Ijwi lya Leza. Mwabona?

63 Elyo mpawo ikuti na cilaanze lya ceeco, cila yubununwa ku basinsimi. Tula mvwisya kuti oonse maseseke aa Leza ala yubununwa ku basinsimi, a balikke biyo. Mwabona, Amosi 3:7.

64 Lino, lino, nguzu zya ciyubunuzyo zileta cibukulusyo ku musyomi. Nkambo, nguzu zya waini, waini wakunyama, ngwa kubukulusya. Mwabona? Ngwa ku—ku leta muntu, oyo uumanide kuyabaala, ku cibukulusyo. Mwabona? Mwabona? Ee, mpawo, lino, kuli nguzu zya ciyubunuzyo ca Ijwi, cipa cibukulusyo ca lutangalo ku musyomi, cibukulusyo ca kukkutilla, cibukulusyo kuti Ca simpikizigwa, Ca tondezegwa.

65 Cila tegwa, mu Lugwalo, mbuli mbo tuyanda ku tondeka kuli neico, mbuli “waini mupya.” Tula citondeka lyoonse mbuli boobo, imbuli, “Aba bakoledwe waini mupya.” Mwabona? Ncibotu. Na, “waini wakumuuya,” Mbwe yeeya, bupanduluzi bwiinda bunga bwaba. Inga bwaba, aa “waini wakumuuya.”

Mbuli waini wakunyama mbouli yubununa mu nguzu zya kubukululusigwa, mbubonya mbo ucita waini mupya, mbuli Mbou yubununa Ijwi lya Leza, uuli Muuya. Oh! Lino kuli ii . . . eco ii . . . Mwabona, Ijwi Lini Muuya. Mula syoma obo? [Mbunga yaamba, “Ameni.”—Mul.]

⁶⁶ Atu cibale. Atu cibale, Musalali Jahane 6. Atu buyo . . . Inzya, mpawo nywebo—mpawo nywebo—nywebo tamu kati, “Ee, lino, muntuumwi wakaamba ceeci.” Atu—atu bone Oyo wa kacaamba, elyo mpawo tula ziba naa Mbwini, na pe. Musalali Johane, cipati 6. Elyo cipati 6, alimwi Ndila syoma ngu sikisite- . . . kampango ka 63, ncibotu, Ndi yeeya kuti nkako. Iyi.

Walo muuya uupononosya; mubili taugwasyi pe: majwi Nge wamba kuli ndinywe, alo muuya, alimwi alo mbuumi.

⁶⁷ I Ijwi Lini Muuya. Lyalo Muuya mu ciwa ca Ijwi. Elyo mpawo, nywebo mwabona, cindi Lya pononosegwa, na kuletwa ku buumi, Muuya wa Ijwi utalika kubeleka a kukutauka. Mwabona? Nkaambo eco . . .

⁶⁸ Lino amulange awa. Ii muyeeyo weelede kuba muyeeyo kautana konzya kuba ijwi. Elyo mpawo cindi muyeeyo watondezegwa, ndi ijwi. Lino, *oyu* muyeeyo wa Leza Ngwa kabikka mu Ijwi. Elyo mpawo cindi wa Li tambula kuzwa kuli Nguwe, Liba Ijwi.

⁶⁹ Leza waka yubununa kuli Musa eco cakucita. Musa waka caamba, nkabela caka citika. Mwabona? Nce ncico, cindi cazwa ncobeni kuli Leza.

⁷⁰ Lino tu jana kuti, eco—eco Ci—Ci labukululusya alimwi Cipa lutangalo, nkaambo Calo ndi Ijwi lya Leza. Elyo waini mupya, waini mupya ulabukululusya i . . . cindi Wa yubununa Ijwi. Mpawo, cileta lutangalo lutaambiki, ziindizimwi. Twa kainda muli ceeco, eci cileta lutangalo kusikila wafusuka.

⁷¹ Lino, Ndi lizi kuti kwiindilizya kunji, a bantu kulilemeka bumwi. Ndi lizi kuti ziindizimwi bala cicita cindi ciimbo nocisotauka a kuya ansi, a zintuzyonse. Elyo Ndi lizi cila citika. Elyo Ndila—Ndila syoma obo, ambebo. Pele Nda kabona bantu isikati cindi, kufumbwa kuti ciimbo kacilila, boonse bakali kusotauka a kukwiila; pele cindi ciimbo nicakaleka, ca kaleka. Mwabona? Nda syoma . . . Ee, kuti, eco cicili kabotu, kuciimo mbuli Mbwe laganya, nywebo mwabona, kufumbwa kuti bantu kaba pona kabotu. Elyo . . .

⁷² Pele, lino, cintu, utalika kuleta Ijwi! Lino, eeco nce cintu cini cileta Buumi, ndi Ijwi, nkabela eco cileta lutangalo lwa cibukululusyo ca waini mupya. Mwabona? Iyi. Alimwi eco mbo cakabede aa Pentekoste, cindi Ijwi nilya kasimpikizigwa.

⁷³ Lino amulange. Lino, Jesu waka baambila, Luka 24:49, “Amubone, Nda mutumina cisyomezyo ca Taata Wangu ali

ndinywe; pele kamuya kutala ku Jerusalemu a kulindila mane.” Ino cakali cinzi cisyomezayo ca Taata? Joeli 2:28, baa, tu jana kuti, Uyo “tila Muuya.” Muli Isaya 28:19, obo mbo kuyooba “milomo imamauka, a myaambo imbi,” a zyoonse zintu ezi.

⁷⁴ Ba kainka kutala okuya. Elyo mbuli mbo twa kacilangalanga, ndiza umwi wakati, “Ee, Ndi syoma kuti twa lindila ciindi cilamfu. Atu cizumine buyo ku lusyomo.” Eyo yakali njiisyo mbotu ya Baptisti, pele tii yakabeleka ku bakwesu.

⁷⁵ Aboobo mpawo, cintu citaanzi nywebo mulizi, cakaba kasimpe. Elyo baka lindila ku mulimo wabo, nkambo Ijwi lyelede kusimpikizigwa. Elyo cindi waboola kuyandaula Muuya Uusalala, kocita cintu nciconya.

⁷⁶ Iiyi, inga wa cizumina ku lusyomo. We elede kuzumina Kristo ku lusyomo. Mbo mbubo ncobeni. Elyo ula zumina Muuya Uusalala ku lusyomo; pele mpawo lekela Muuya Uusalala usike a kukupa kupalulwa, mbuli bumboni bwakuti Wa zumina lusyomo lwako, yebo wabona. Mpawo, mwabona, “Abrahamu wakasyoma Leza, nkabela kwa keelezegwa kuli nguwe ku bululami.” Pele Leza waka mupa citondezayo ca kupalulwa, mbuli cizibyo cakuti Wa kazumina lusyomo lwakwe.

⁷⁷ Aboobo ncintu nciconya nco tweeleda kucita. Twa elede kulindila Muuya Uusalala mane Uka cite cintucimwi; takuli ku kaambo kakuti twa kaambaula mu myaambo, kutali kuti nkaambo twa kazyana, na twa kaba a kulimvwa, twa kaongolola. Kusikila twa kacincwa; kusikila cintucimwi cakacitika kasimpe! Ta ndikwe makani eco ciimo mou boolela. Aboobo caka citika buyo, eco nceintu cipati. Mwabona?

⁷⁸ Elyo Ndila syoma kuti kwaambaula mu myaambo a zyonse zintu ezi zimbi zili kabotu, pele eco luzutu muli lwaco ta cikabeleki. Elyo ulizi kuti ta cikabeleki. Aboobo, ta ciciciti pe.

⁷⁹ Nda kabona balozi kabaambaula mu myaambo, kabona basimooba kabaambaula mu myaambo a kuziyana mu muuya. Masimpe. Bikka penso ansi nkabela yalemba mu myaambo itazizilwe. Elyo muntuumwi wiipandulula, mbo mbubo, a kwaamba bwini. Mbo mbubo. Kalemba eco caka citika ncobeni, alimwi cakali munzila eyo njionya. Kuba bona kabali tutila suko aa mitwe yabo, a kulitendaula kubelesya ntibba, a ku civumba koonse kubelesya bulowa bwa ba antilopu na cintucimwi cimbi, alimwi—alimwi, masimpe, mwabona, a kwiitila dyabulosi. Aboobo, nywebo mwabona, eco taci . . .

⁸⁰ Kwaambaula mu myaambo taku ciciti. “Nekubakuti Nda kanana a myaambo ya bantu aya Baangelo, elyo nketa jisi luyando, ta cindigwasyi. Mwabona, nekubakuti Nda konzuya kucicita!” Mwabona? Aboobo zintu ezyo ta zyaambi kuti uli jisi Muuya Uusalala.

81 Pele cindi Walo, Muntu, i—i Muuya wa Kristo utafwiki waba Mufutuli wako cigaminina, a ku kucinca, a kunjizya mizeezo yako cigaminina moonya mu Kalivari a ku Ijwi eli, cintucimwi ca citika. Iyi, munene. Cintucimwi ca citika. Taakwe umwi uyoelera ku kwaambila kujatikizya ncico. Uyo ciziba cindi cacitika.

82 Elyo waini mupya, cindi waleta ciyubunuzyo, mpawo Ca—Ca yubununwa.

83 Alimwi nje nzila mboya kabede ku Pentekoste. Ba kaziba kuti—kuti kwa keelede kuba Muuya kutilwa aali mbabo, nkabela ba kalindila mane eci cakacitika. Elyo cindi cisimpikizyo ca ciyubunuzyo nica kacitika, mpawo cibukulusyo cakali ali mbabo. Ba kacita ncobeni. Ba kabuka, abalo. Ba, moonya mu tugwagwa; oko, nko bakali kuyoowa, a milyango nkoya kajalidwe. Elyo bakali mu tugwagwa; oko, ba kali kuyoowa nkamu ya bantu; kubakambaukila Makanimabotu! Mbo mbubo. Mwabona? Cintucimwi cakacitika, nkaambo Ijwi lyabwini lya cisyomezyo lyaka simpikizigwa.

84 Lino atwiime awa asyoonto. Ikuti na eco cakaleta kasimpe ku bantu abo, abo bakali—bakali. . . Kutandila umwi aumwi wabo baka namatika bumboni bwabo kubelesya bulowa bwabo. Takukwe makani eco cakasika ambali, kufumbwa kuti ba kaponi, tiiba kasika kuli Ncico. Ca kakkala alya, nkaambo lyakali Ijwi lyabwini lya cisyomezyo, lyaka simpikizigwa. I ciyubunuzyo caka simpikizigwa. Elyo bakafwa, kanamatika bumboni bwabo kubelesya bulowa bwabo beni.

85 Lino amulange cisyomezyo caku mazuba aakumamanino. Elyo mpaawa twa cibona kacisimpikizigwa nkoonya kumbele lyesu, i—i kuboola kwalino ikwa Muuya Uusalala a milimo eyo Nja keelede kucita, nkabela twa cijana mpoonya akati kesu. Mwabona? Oh, twe elede. . . Oh, ma! Mbobuti mbo tukonzya kumvwa? Cintucimwi cila citika, Nda kwaambila, mweenzuma! Cindi musyomi, wini, uusinizizye, wakasimpe ncobeni akukanzwa, cindi oyo Mumuni wauma aa mbuto eyo, cintucimwi cila pasuka ku Buumi bupya. Oyo mwanakazi muubauba ku mukalo!

86 Cindi, abo bapaizi bakaiya maningi ni bakati, “Ee, oyo ngu dyabulosi. Walo musondi. Walo—walo waambila buyo bantu abo zyoolwe zyabo. Elyo walo—walo ngu dyabulosi.”

87 Pele, cindi, oyo mwanakazi muubauba waka jisi mbuto eyo yakakanzwa! Lino muyeeya kuti eco taciluleme na? Pele Jesu wakati, “Taakwe muntu ukonzya kuboola, citakuti Taata Wangu wamu kwela; alimwi boonse Taata mbaka Ndi pa bayo boola.” Elyo Wa. . .

88 Elyo sikulwanakristo, mazuba aakumamanino, uyo konzya. . . Oyo muuya wa sikulwanakristo ngo tu langalanga, mu ciimo catubungwe, a kutondezya kuti ciimo cakabungwe

ngu sikulwanakristo. Lino, kwiindilila, kufumbwa muntu ulakonzya kweenda kuzwa awa mbuli boobo, walo, kuli cintucimwi cilubide, alimwi nekubaboobo kusyoma kuti ciyanza cakabungwe tali sikulwanakristo. Kakuli, caka tondezegwa ncobeni, kuzwa ku makani aakale, kuzwa ku zintuzyonse ziliko, kusakana kwiinda mu Bbaibbele lya Leza a zintuzyonse zimbi kuti, ngu sikulwanakristo. Alimwi Rome ngo mutwe wa ncico. Alimwi mabungano akazyalwa alatobela ncobeni ambali. Elyo bobilo babo bayo sowelwa mu gehena. Mbo mbubo. Aboobo tula bona cintu eci, sikulwanakristo, muuya wa ncico.

⁸⁹ Elyo buzuba mbo tuponamo, alimwi, baa, ceelede kuleta “lutangalo butaambiki a kuzula bulemu.” Oyo mucembele muubauba, oyo mbuwa kamuumina buyo, ma, mbuto yakapasuka!

⁹⁰ Lino, amuyeeye, Bbaibbele lilati, oyo mu buzuba bwamamanino, kuti oyu sikulwanakristo uyo “cenga inyika yoonse.”

⁹¹ Inga kuyooba biyo mweelwe muniini, abo bala a mazina aka bikkwa mu Bbuku lya Buumi ilya Kabelele kuzwa ku malengelo aa inyika. Elyo cindi oko kusimpikizigwa kwini kwa Bwini bwa Ijwi lya Leza bwaka yubununwa bwauma moyo oyo, uyo uma meenda, alimwi kubusena okuya a Muuya Uusalala, canguzu buyo mbuli mbwa konzya. Elyo to konzyi kumulesya kucicita, nkaambo Buumi bupya bwabeleka.

⁹² Nda kali kwaambaula ku muntu, calino lino, wakali kusola kubandika a ndime, a kwaamba kuti, “Sa tousi nsoni kwaamba kuti Leza wa kalenga majulu a nyika mu mazuba otatwe?” Ndi . . . Na, “. . . mu mazuba ali cisambomwe?”

Nda kati, “Mbo mbubo Bbaibbele mbolya kaamba.”

⁹³ Kati, “Ee, tuli jisi bumboni a kukonzya kutondezya kuti inyika nja myaka ili mamilioni kukomena.”

⁹⁴ Nda kati, “Eco ti caka jisi cimwi ca kucita a ncico. Mu Matalikilo 1:1, Lya kati, ‘Ku matalikilo Leza wakalenga majulu a nyika.’ Kwagola! Kwa mana, mwabona. ‘Lino inyika yakali pilingene, a kubula zintu.’” Elyo Nda kati, “Ndila syoma kuti mbuto yoonse yakali lede moonya omuya, kuzwa lusumpuko lumwi na cintucimwi. Elyo meenda mbwa kazwida buyo, nkabela mumuni wa kazyuuma, kwa kamena masamu a zintuzyonse.”

⁹⁵ Elyo cintu nciconya ku muntunsi, nci kozyanyo. Cindi woonse i—i—i sikunku niwa kamwaika, a kuyubununa Bwini ku mbuto eyo yakalede awo, yakamena nekubaboobo, nkabela Mumuni wa Makanimabotu ula konzya kwiiuma kwiinda ku kusimpikizigwa kwini kwa Ijwi, iyo pona. Yalo ijisi Buumi muli njiyo. Iyo syoma. Kunze lya ceeco, tai konzyi kupona; tai jisi Buumi muli njiyo.

⁹⁶ Alo mazina aka bikkwa mu Bbuku lya Buumi ilya Kabelele kuzwa ku malengelo aa inyika, ayo yutuka cakasimpe mbuli cintu cili coonse. Alimwi nkekaambo Jesu uli kkede mpoonya Alya a kulindila amulimo Wakwe wakwiimaakati, kusikila eyo mbuto yamamanino. Elyo Uyo ziba ncobeni cindi yaakuuma.

⁹⁷ Mbuli Mwii. Lee Vayle...Nda yeeyela ucili mu muswaangano kumwi. Nsena mubona kwa mazuba. Nse syomi kuti Nda mubona. [Ii mukwesu waamba, “Mpali ano.”—Mul.] Mpali ano. Ee, buzuba bumwi wakandi tumina aka katendu, kajatikizya eco Irenaeus nca kaamba. Ee, Nda kabweza Irenaeus, kuzwa lweendo lulamfu, ku kuba angela wa bukkalo mwa kabede. Pele wakati, “Cindi cizo camamanino ca Mubili ca njila,” mu bukkalo obu bwamamanino, “ceeleda kuba...cintu inga ciyo yubununwa ku ciindi eco.” Elyo nceeci we. Cili luleme ncobeni. Mwabona? Tuli mu buzuba. Ncibotu.

⁹⁸ Mpawo, Pentekoste yakali jisi kwiindilila lutangalo. Ba kabukulugwa ncobeni. Mbwe yeeya, cila cita kuli oonse.

⁹⁹ Atu bweze buyo ciindi cisyoono. Atu yeeye makani aa Davida. Wa—wa kabukulugwa koonse, awalo. Wa kati, “Nkomeki yangu ya fusuka.” Ndi syoma kuti wa kajisi ncobeni ii—ii kucitika kupati mu buumi bwakwe. Ncinzi, ncinzi caka mucitya kucita ceeco? Cindi na kali mu Muuya...Nkambo, wa kali musinsimi. Tu lizi kuti mbwakabede. I Bbaibbele lya kaamba boobo. Musinsimi Davida, lino, nkambo wa kali musinsimi, alimwi wa kali mu Muuya, nkabela wa kabona bubuke. Ikuti na muyanda kucibala, cili mu Ntembauzyo 16:8 kusikaku 11. Wa kati, “Mu kuyungizya mubili wangu wakabambwa kubotelwa. Ma! Nda—Nda pumuna mu bulangizi, nkaambo To kasiyi buntu bwangu mu gehena; nanka kuti To kalekeli Umwi Wako Uusalala kubona kubola.” Elyo Nda mwaambila, nkomeki yakwe yaka fusuka, nkaambo wa kabona. Takukwe makani mbo cakabede; oh, wa kabona bubukke, alimwi wa kali ncobeni... alimwi nkomeki yakwe yaka fusuka.

¹⁰⁰ Alubo, Davida waka jisi nkomeki imbi yakali kufusuka, muli Samueli Wabili, (mukuti mwa gusya mapenso anu), Samueli Wabili 6:14. Kwakali cilanga.

¹⁰¹ Ba katolede bbokesi. I sinkondo wakali njide a kutola bbokesi lya Mwami, elyo ba kalitolede kunselelo a kulibikka kunembo lya Dagoni, nkabela Dagoni wakawida ku busyu bwakwe. Alimwi katola munzi umbi, nkabela zipenzyo zya kayutuka. Ca kali...Eco cakali cintu cipya maningi ncoba kasola kuba aco mu maanza abo, kunselelo okuya. Elyo tiiba kakonzya ku ligwisya, nkaambo lyakali zwide mu busena bwalyo.

¹⁰² Lino, cindi niba kali bikka aa ng’ola ya basune, akutalika kupiluka. Elyo cindi Davida nakabona bbokesi kali boola, mulizi na nca kacita? Wa—wa kazula maningi, nkabela nkomeki

yakwe yaka fusuka; cibukulussyo! Cindi na kabona Ijwi kali yubununwa kujokela mu Israyeli alubo, wa kazyana mu Muuya, koonse kuzunguluka, kuzunguluka, kuzunguluka, kuzunguluka, kuzunguluka, mbuli boobo. Inzya. Nkomeki yakwe yaka fusuka, nywebo mwabona. Nkaambonzi? Wa kabona Ijwi kali bweeda.

¹⁰³ Elyo Ndi yeeya kuti eco inga cabamba muntu uli oonse kubukulussyo cindi ba bona, kwiinde myaka eyo yoonse; alimwi mpawo Ijwi lyabwini, ku cisyomezyo kuti liyooba, muku zyalwa a kusimpikizigwa. Ino nciindi! Ino nciindi!

¹⁰⁴ Lino atu bale. Ndi—Ndi kanana maningi, Nse kosika kuli ceeci, elyo Njo mujata nyoonse okuno mane teeni theeti. Nda ka mwaangulula kufwambana masiku ainda, aboobo Nde elede ku mujata kwa ciindi cibotu cilamfu sunumasiku. [Mbunga yaamba, “Ameni.”—Mul.] Inzya. Inzya. Peepe, Ndali ku musesya buyo. Mwabona? Ndili. . . Tu yanda buyo mbuli Mwami mbayo sololela lino.

*Elyo cindi na kajula cinamatizyo cane, Nda kamvwa
jwi lya munyama wane kwaamba, Boola. . . bona.*

¹⁰⁵ Lino, “Cindi Kabelele na kajula Cinamatizyo Cane.” Atu leke awo lino. I Cinamatizyo Cane, lino, Nguni waka Ci jula? I Kabelele. Sena kwakali umwi umbi wakali kweelela? Taakwe umbi wakali kukonzya kucicita. Peepe. I Kabelele waka jula Cinamatizyo Cane.

¹⁰⁶ Elyo i—i Munyama wane, Cilenge cipona cili mbuli sikwaze, cakati kuli Johane, “Boola, bona obo maseseke aane aa mabambe alununuko, aasisidwe mu Bbuku eli,” nkaambo Kabelele wakali ku Ci jula. Mu majwi amwi, nce ncico nca kali kwaamba. “Ngaayo maseseke aane awa. Nda kutondezya, mu ciiminizyo. Lino, Johane, Ta ndizi naa wa Ci mvwisya, na pe.” Pele, wa kalemba eco nca kabona, pele cakali mu maseseke. Aboobo, wa kalemba eco nca kabona.

¹⁰⁷ I Kabelele wakali kunamatula Zinamatizyo, nkabela Leza takali kuyo Ci yubununa. Ca kasiilwa ku mazuba aakumamanino. Mwabona? Lino, twa kajisi ziiminizyo, alimwi twa kavwentauzya kuli ncico, a kucita kabotu loko ziindizimwi, mwabona. Pele tu lizi Ca kazumanana kweenda. Pele lino, ku mazuba aakumamanino, tula konzya kucebuka a kubona awo mpo Ca kabede. Elyo eco ceelede kucitwa, kuteti, ku mamanino aa bukkalo bwa mbungano, kakutanaba buyo Kukwempwa.

¹⁰⁸ Obo umwi mbwa konzya kubamba Mbungano kwiinda mu Mapenzi, Ta ndizi. Pele ino Iyo indila nzi mu Mapenzi, kakuli Tai jisi—tajisi cibi? Nda amba. . . Ta ndaambi mbungano; mbungano iyo inda mu Mapenzi. Pele Nda ambaula makani aa Nabwiinga. I Nabwiinga, peepe, Ta jisi cibi ci Mu lwana, pee. Ca kasanzigwa a musamu uusalazya, alimwi takukwe akwalo ii—ii. . . Takukwe akwalo bweema bwa ncico, alimwi taakwe cisyeede. Bali londokede, kumbele lya Leza. Aboobo ino amwi

Mapenzi ngaku basalazya nzi? Pele bamwi balacita. I mbungano iyo inda mu Mapenzi, pele kutali Nabwiinga.

109 Lino, lino twa kacibweza buyo mu misyobo yoonse ya ziiminizyo lino. Mbuli i—i mbungano, Nowa, cikozyanyo cakabwezwa atala, wakazumanana mu cibi. Mwabona, lino, ba kaunka atala. Pele, Enoki wakaunka lutaanzi, eco cakali cikozyanyo ca basalali abo banga bayo njila, alimwi kakutanaba ciindi ca Mapenzi.

Lino tu jana kuti, oyu Kabelele waka jula Cinamatizyo.

110 Lino, Munyama mutaanzi twa kajana kuti, ikuti na mwabona, Munyama mutaanzi twa kajana kuti, wakali ii. . .I Munyama mutaanzi wakali mulavu, Cilenge cipona; kajana kuti mu bbuku lya ma- . . .lya makkalo aa mbungano. Elyo mpawo Munyama wabili, Nda syoma, wakali i—i busyu bwa musune, na moombe. Alimwi Munyama watatu bwakali busyu bwa muntu. Pele Munyama wane bwakali busyu bwa sikwaze. Lino eyo nje nzila ini mbo twa kaba jana, kaba zunguluka buyo ncobeni mbuli boobo. Elyo eyo nje nzila ncobeni mboba bikkidwe akwalo mu Bbuku awa.

111 Elyo mpawo mbuli mwiyi mupati, ku ciindi cimwi mu Florida, kayiisya, kati oyo—oyo i. . .oyo, “I Bbuku lya Incito wakali mulimo biyo wa ciindi cisyoonto ku ii—ii wa i—ku Mbungano. I Mbungano yaka janwa mu Makanimabotu one.”

112 Elyo tu jana kuti, mubumbi kuzwa kuli ceeco, kuti alo Makanimabotu one ayo acingilila Bbuku lya Incito. Lizwa kuli ayo Makanimabotu one aa Bbuku lya Incito nkwa kalembwa, incito zya Muuya Uusalala mu baapostolo. Elyo tu jana kuti, okuya mu Bbuku, balo bacingilizi bakali kkede kaba langilila; kujwe, kunyiika, kumbo, a kumusanza. Amuyeeye nzila mbo twa ka cidulowa awa? Elyo nzila yabubotu a ilondokede zintuzyonse mbo zyakauma kabeela kaco!

113 Lino Ndi yanda kuti mubonesye. Kati, “Boola ubone.” Johane. . .Lino Ndi yanda kuti mubonesye alubo, kakutanaba ceeci. Lino, eci awa mbasikutanta bamamanino, ku kuyubununa kubeleka kwa sikulwanakristo.

Juunza masiku, nkuuma myuuya kungsi lya cipaililo.

I busiku butobela, imbeta.

114 I busiku butobela, kuunka, kwa i—i mamanino aa bukkalo, mamanino aa ciindi, a zintu zyoonse, mwabona, cindi Na katolwa kujulu. Nkikaako, moonya muli eco Cinamatizyo Caciloba okuya, kutilwa Mitiba, alimwi zintuzyonse zimbi zila tilwa. Ino nziinzi, Ta ndizi.

115 Amubone. Pele lino, ali ceeci awa, twa jana kuti oyu mulombwana awa ngu sikwaze, oyu muntu oyo. . .na eci Cilenge cipona cakatila awa lino. Na, mu majwi amwi, kuli makkalo one

aindene aa Ncico. Kwakali bukkalo bwa mulavu. Alimwi, tu jana kuti, obu mukuba bukkalo bwane.

116 Elyo wa kati, “Boola ubone maseseke aane aa Bbuku lya Lununuko, ayo akasiswa mu Bbuku eli. Boola, bona.” Elyo Johane wakainka kuyo bona, nkabela wa kabona mbizi isiyasiya. Elyo, alubo, sikutanta nguwenya atalalya mbizi eyi isiyasiya.

117 Lino walo ujisi zina litegwa Lufu. Lino amubone. Kwiina sikutanta umwi, na kwiina mbizi zimbi, na kwiina ciindi eco sikutanta oyu nakasola kutanta, tii baka jisi; oyo muntu taa kajisi zina. Pele lino wiitwa kuti Lufu. Ta caambidwe. Mwabona? Walo wayubununwa lino. Obo mbwabede ngu lufu.

118 Ee, obo mbo tukonzya kumuka ali ceeco ku kuba a nkambauko, a kucibamba antangalala loko! Pele kufumbwa cintu ca kulwa, eco cilwana cini, ceelede kuba lufu. Nkaambo, kuli biyo zybilo zintu, ezyo ngu, Buumi a lufu. Alimwi eco citondezya kuti nciyubunuzyo ca Muuya Uusalala ca ceeci, mu buzuba buno, calo nca Bwini ncobeni. I kulwa, ngu lufu. Nkaambo, Ijwi, mbuli mbo tuta bone kwamana awa, bwalo Mbuumi. Mwabona?

119 Elyo oyu muntu ulategwa Lufu. Lino, tii kwa kambwa ku ziindi zimbi, zya sikutanta oyu. Pele, mbokunga, lino caambwa, kuti ulategwa Lufu.

120 Pele kunsilya ciyubunuzyo ca mulavu . . . Lino amulangilile. Lino Ndi yanda kubala ceeci kabotu, kutegwa Ndi be masimpe; cilemba abusena bumwi, nkeimvwi awa. Kumsi, kutali kunsilya ciyubunuzyo ca bukkalo bwa mulavu, na ca bukkalo butaanzi, bukkalo bwakatalika, Eci tee caka yubununwa. I bukkalo butobela bwa kali bukkalo bwa musune, buli mbukkaloo bwa musinze, bukkalo bwaakatikati, tee caka yubununwa obo mbo Ca kabede. Nanka Munyama mbuli muntu, wa busongo, kwiminina basilubambululo, Luther a Wesley abamwi bambi, Tee caka yubununwa. Pele mu bukkalo bwa sikwaze, bukkalo bwamamanino, bukkalo bwabusinsimi, oko kweelede kuyo buka bukanazi bwabusinsimi, mwabona, kuli nguwe tuziye lyoonse nko tuboola! Lino mpaawo mpo tu buyo . . .

121 Tula muka ali ceeco aniini, sunumasiku, kutegwa tumvwisye kumaninina. Lino, mu ziindi zinji, mula bona, ezi . . . Nse kanani buyo ku nkamu eyi okuno. Aya mateepu ala unka koonse, mwabona, nkabela Nde elede ku cisalazya kabotu. Nkaambo, muntuumwi uyo jana biyo teepu yomwe, elyo mpawo, ikuti na tajani amwi ambi, boonse bala gola, mwabona. Leza waka syomezya Ceeci, mwabona, ku buzuba buno, bwa mamanino, kugolela ku zintu ezi zyoonse zyandeene zyaka zumana na kunyonganisigwa. Tuli ku . . .

122 Twa kali jisi magemesi aa Eliya. Twa kali jisi zikobela zya Eliya. Oh, kwakali bantu abo . . . John Alexander Dowie uli zikkidwe kutala okuya, kavungailwa mu ii—ii cikobela. Wa kati

wa kali Elisha. Alimwi twa kali jisi misyobo yoonse ya zintu mbuli ezyo. Ino ncinzi, nekuba? Nca kugwisya buyo Bwini obo buya kutondezegwa. Mwabona? Ba kali jisi bakristo babeji ciindi ca Jesu kacitana kusika. Mwabona? Bala cita eco lyoonse. Ngu Saatani, kacita cikozyanyo calweeno, ca kunyonganya mizeezo a lusyomo lwa bantu, cintu kacitana citika nconzyo. Kwa mana.

¹²³ Sa Gamalieli ta kaamba cintu nciconya kuba Juda ba buzuba obo? Kati, “Sena tii kwakali muntu wakabuka, kulibanda kuba Ceeci? Elyo baka tola bali myaanda yone mu nkanda. Ba kaloba, a bumwi bumbi.”

¹²⁴ Kati, “Oonse mutabi Taata Wangu Wakujulu ngwa taka simpa,” Jesu wakati, “uyo simpulwa.”

¹²⁵ Gamalieli wakati, “Amubaleke balikke. Ikuti na balo, ikuti na nca Leza, sa taci kayabaali buyo? Pele ikuti na ngwa Leza, muyo lijana kulwana Leza.” I muntu waka belesya busongo. Wa kali mwiyi.

¹²⁶ Lino amubone. Lino, kumanizya maseseke oonse aya, Leza waka syomezya kuti uyo buka Elisha wakasimpe, muntu umwi uno nanikidwe aa Muuya oyo, alimwi uyo yubununa. Wa kau syomezya muli Malaki 4. Elyo Ndi jisi bulembo a tugwalo oto twaamba kuti takuli boobo, pele Ndi yanda kwaambaula ku muntu oyo. Mwabona? Baa, to konzyi kucikaka. Kufumbwa silwiiyo lwabukombi, wini mubotu ulizi kuti obo Mbwini, kuti bala ulangila.

¹²⁷ Pele mu nzila njionya buyo wa kaboola kwiinda kuli Johane, sikusololela ca ciindi citaanzi ca Kristo. Baa, tiiba kamuziba, nkaambo kwakali cintu cili boobo cakasinsimwa nguwe. Baa, wa kali kweelede “kubamba masena oonse akali aatali kuba aansii, a masena oonse akali ansi kuya atala, masena acincimene kululama.” Elyo, oh, wa . . . I basinsimi: Isaya, myaka ili myaanda ya ciloba a kkumi aibili kakutanaba kuzyalwa kwakwe; alimwi Malaki, myaka ili myaanda yone katana boola a cilao; boonse abo bakasinsima nguwe. Alimwi bakali kulangila kazila kaku Julu kuselusigwa, alimwi oyumu musinsimi wakeenda nkoonya kubusena a musako wakwe mu janza lyakwe, kuzwa kwa Leza.

¹²⁸ Elyo ncinzi cakacitika? I muntu oyo wa . . . takakonzya akwalo kutondezya kkadi lya luswaanano. Ta kakonzya kutondezya pepa lya zyelelo. Wakakkala mu nkanda; ka tajisi alwalo lwiiyo lwaku cikolo lwalyonse. Twa kaambilwa, kuli basimakani akale, kuti wa kaunka mu nkanda cindi na kali myaka ili fuka yakukomena, kwiinde lufu lwa bawisi a banyina. Elyo waka komezegwa kubusena . . . Mulimo wakwe wakali muyandisi maningi, kunyongana antomwe a seminari imwi. Wa keelede—wa keelede kwaambilizya Mesiya.

¹²⁹ Leza taka konzya kubelesya muntu waka zwide zintu zyonse zya lwiiyo lwabukombi. Ta konzyi kucicita, nkaambo lyoonse uyo dilikila moonya musule. Eyo nje nzila yakwe ya kwiiya.

Ula dilika musule kuli ceeco. Aboobo, ula unka kuyo bona cintucimwi, walo usola kudilika musule kuli ceeco bamaiyi ncoba kaamba. Cabota ikuti wa tantamuka kuzwa ku zintu ezyo, a kusyoma buyo Leza.

¹³⁰ Elyo tu jana kuti tiiba kamuziba. Abalo baapostolo kabaimvwi alya, tiiba kamuziba. Baa, ba kati, “Baa Magwalo aamba kuti, balembi, baamba kuti Eliasi . . .”

¹³¹ Wa kati, “Ee, wa kasika kale, nkabela tii mwaka muziba.”

¹³² Alimwi awo Mpe konzyanya bubuke, na Kukwempwa. Kuyo uunka, nkabela bayo . . . Ndi lizi eco cilimvwisya bweenzu. Pele ndiza muyo ziba kuniini kumbi kwainda sunumasiku, ikuti na Mwami wayanda, nzila buyo mbo ciya kuba, mwabona. Kuyooba kusiondwe kapati, taakwe uyoziya kujatikizya nkuko, nokuceya. I inyika iyo yeeya buyo, kuzumanana ncobeni kweenda mbuli mbo kwa kacita lyoonse, mwabona, alimwi buyo . . . Eyo nje nzila Mbwa kacicita lyoonse.

¹³³ Nywebo mulizi, Nda zumbauzya naa omwe—omwe . . . Nda amba, peseenti ya wani nainithi ya bantu aa nyika, baka sola kuziba kuti Jesu Kristo wakaliko okuno cindi Na kaliko okuno. Sena mwa kalizi, cindi Eliya naka sinsima, Nda zumbauzya naa kwakali umwi wakaziba ceeco na kali i . . . Ba kalizi kuti kwakali muntu wa mizeezo yeenzu kutala okuya, umwi sikwindilizya mudaala, pele ba ka musulaika. Masimpe. Wa kali ceeco ncoba kati cigambyo.

¹³⁴ Alimwi Ndi yeeya kuti, kufumbwa Munakristo wakazyalululwa walo musyobo wa cigambyo, ku—ku inyika, nkaambo wa kacincwa. Wa kazwa ku inyika imbi. Muuya wako wakazwa mutala lya mugelo. Alimwi eci cintu awa cili nyongene . . . Mpawo, to—to indene, kuli cintucimwi cilubide; yebo, ucaangidwe maningi ku nyika. We elde kuba wamizeezo Yakuju. Alimwi Julu liponena ku Ijwi.

¹³⁵ Lino, tula bona kuti eci—eci cintu cipati caka citika. Lino, tula syoma kuti kweelede kuyooba kuboola kwa Muuya wabwini iwa Elisha. Wa kaambwa kuyooba, mwabona. Elyo tweelede kuyeeya kuti uyoobako, mu bubebweelede bwawo a ciindi. Kwayanda tu bikka ntalisyo yawo lino. Elyo ta uli . . . taku kabi kabunga.

¹³⁶ Ndi—Nda impana a mweenzuma wangu mubotu, aali ceeco. Wa amba kuti iyooba nkamu ya bantu. Ndi yanda kuti unditondezye eco kwiinda ku Lugwalo. Leza, Leza utakwebucince, tacinci mabambe Akwe. Ikuti na Ula cita, nkokuti Tali Leza; mbo mbubo, nkaambo Walo muntu uufwika, alimwi Walo ulizi buyo mbuli Mbwe cita, alimwi Ula lubizya.

¹³⁷ Leza tacinci bubambe Bwakwe, kuzwida ku ciindi ncoonya camu muunda wa Edeni. Wa kabamba bubambe bwa lununuko; obo bwakali Bulowa. Elyo twa soleka lwiyo. Twa soleka ciimo canguzu zimaninide. Twa soleka lwiyo lwakulilemeka

kwa mizeezo. Twa soleka ciimo cakabungwe. Twa soleka zintuzyonse, kusungilizya boonse kuba antoomwe, na kuyanda bantu boonse antoomwe, a zintuzyonse zimbi. Taakwe busena bumbi bwa luswaanano pele kungsi lya Bulowa, nekubaboobo, mbaakani ilikke eyo Leza nja swanganina muntu.

¹³⁸ Leza lyoonse ulabeleka a mugame omwe. Bantu bobilo ba jisi mizeezo yobilo. Kwakanyina basinsimi bobilo bapati aa nyika, bakali kusinsima aa ciindi comwe. Amulange kaindi a kubona ikuti na bakaliko. Peepe, munene. Kutalibambila maningi! We elede kujana muntu omwe ulipede cakumaninina, a kubelesya muntu oyo. Ula muyandaula muntu oyo.

¹³⁹ Pele kuyooaba omwe, ciindicimwi, muntuumwi uyo swiilila kuli Nguwe, Ijwi ku Ijwi. Nse kwe ndaba eco umwi umbi ncaamba, bayo tantamuka kuli Ndilyo. Mbo mbubo. Bayo lindila ali MBUBOBU MBWAAMBA I MWAMI. Elyo, mpawo, taba keendi kusikila ciindi eco. Uyo simpikizigwa kabotu. Muyo. . .

¹⁴⁰ Lino, baanze banyika bayo cisulaika, pele Mbuto iisalidwe, Mbuto yakakanzwa, mbuli mbo kwakabede mu mazuba aa Jesu, cindi oyo Mumuni niwa kamweka, eyo Mbuto iyosika ku Buumi mbuli *boobo*. [Mukwesu Branham wanontola munwe wakwe lomwe—Mul.] Bayo Ci ziba. Bayo Ci mwisya. Tamu kayandiki kwaamba bbala kujatikizya Ndilyo.

¹⁴¹ Waa kati, “Munene, Nda kuziba kuteeti Uli Musinsimi. Ndi lizi cindi Mesiya akuboola, Walo weelede ku. . .”

Wa kati, “Nde Ndime.”

¹⁴² Musankwa, oko, oko kwakali kunji. Ta kayandika kulindila busiku boonse, a kulindila busiku butobela. Waa kali Li jisi mpoonya awo. Waa kali mu lweendo lwakwe. Waa kali kubaambila kujatikizya Ndilyo.

¹⁴³ Lino amuyeeye, lino, mu bukkalo butaanzi bwakali bukkalo bwa mulavu. Oyo wakali Mulavu wa mukowa wa Juda, Kristo. Koongelezya Kwakwe mwini kwa Buumi, katola bukkalo obo. Oyo wakali *Munyama* mutaanzi, oyo waamba “Nguzu,” waka vwiila kwiinda ku jwi lya muntunsi.

¹⁴⁴ I bukkalo butobela bwakali bukkalo bwa musune, na bukkalo bwa sikutanta mbizi iisiya. Mwabona?

¹⁴⁵ Lino, kaambo ka bukkalo obu butaanzi bwakali bukkalo butuba, bwakali bwakuti. . . Mbuli—mbuli Mbwe kamvwa bantu lyoonse kabati oyo sikutanta mutaanzi, iituba, zyakali nguzu zya mbungano, zya kaunka kuya buzunda. Elyo tu jana kuti wa kapegwa musyini, kuti eyo yakali njiyo. Ya kali mbungano. Ya kali mbungano, pele nkuuli nkwa kainka? Kainka ku Rome. Nko nkuko nkwakaya. Wa katambula musyini wakwe.

¹⁴⁶ Lino, bukkalo bwabili bwakali ii—bwakali bwa sikutanta mbizi iisubila, obo bwakali bukkalo bwa musinze.

147 Elyo lino—lino, i—i bukkalo butobela, bwakali i—i bwa muntu, bwa bukkalo ibwakali bwa sikutanta mbizi iisiya. Elyo wa kali wa bukkalo bwa basilubambululo, mwabona, cindi i—i Jwi eelyo lyakaamba. Lino, sikutanta mbizi iisiya, oyo wakali sikulwanakristo. Pele Oyo wakali kwaambaula mu bukkalo obo wakaimininwa mbuli muntu, nkabela obo bwakali busongo, bupampu, mancenjela. Mwabona? Elyo teebe kacimvwisya, mwabona. Tiiba kaita. . .Tiiba kamupa zina. Mwabona? Ba kaamba buyo kuti wa kaunka.

148 Pele lino, cindi aboola kali bukkalo bwa sikwaze, ngo nguwe oyo. . .Leza lyoonse ulakozyanya basinsimi Bakwe mbuli basikwaze. Ula liita Mwini kuba sikwaze. I sikwaze ulainka mujulu maningi, taakwe cintu cimbi cikonzya ku muguma. Tali biyo mujulu omuya, pele wakapangilwa busena obo. Cindi ainka mujulu omuya, ula konzya kubona awo mpabede. Bantu bamwi bala tanta okuya elyo taba konzyi kubona mpo badele, aboobo ta cigwasyi kutanta okuya. Pele ikuti na ula. . .

149 Pele amundi lekele kukokoleka kusola kuuluka antomwe a sikwaze, na lubanze, nanka umwi, inga wazapauka. Walo weelede kufundilizigwa nkambo ka kooko nkwa unka.

150 Eelyo nde penzi asunu, tobamwi ta tufundilizigwa. Tula bbotoka cakufwambaana, nywebo mwabona, cindi twa sotoka. Elyo, pele, tweelede kufundilizigwa.

151 Cindi wa sika atala alya, a kuba akukubona kumvwisya kufwambaana kwa sikwaze, ku kubona eco ciboola, a kuziba ca kucita. Lino, bukkalo bwa sikwaze bwaka Li yubununa. Lino tu jana kuti, obo bukkalo bwa sikwaze bwaka syomezegwa mu Ciyubunuzyo 10:7 a muli Malaki. . .:1, 4. Oko kuyooba mu mazuba aakumamanino, mwabona, mbo mbubo, kuti kuyooba okuno. Yaa. Amuzibe.

152 Lino, oyu mulombwana, tu jana kuti utantide aa mbizi isiyasiya. Isiyasiya! Oh, ma! Kwamana, amuzibe kwamana. . .

153 “Ba Protestanti bali mamilioni ali cisambomwe alusele,” mbuli mbo twa kabweza kuzwa—kuzwa kuli lya *Kubambulula Kwabulemu* ilya Schmucker, lya i—lya bakajailwa lusyomo ku Rome, mansiku ainda. Twa kajana kuti, kusika ku mpa ya 1500, Nda syoma mbo kwakabede, na eitiini-. . .Nse yeeyi kabotu lino. Pele bali mamilioni ali cisambomwe alusele baka jaigwa, ku kukazya mbungano ntaanzi ya Roma, Rome. Ta cigambyi, wa kakonzya kuli konzyanisya mu zina lyaka kozyanisigwa lya. . . a kutegwa Lufu. Wa kali masimpe.

154 Lino, Leza ulizi biyo nzila abo mba kacitya kufwa kumuuya, kwiinda kukulwana kwakwe kwa Bbaibbele, kuyiisya kwa Ijwi! Oyo ngo nguwe waka bikka bali mamilioni ali cisambomwe alusele ku cceba, a kuba jaya. Elyo antela, mubwini, mabbilioni bakafwa kumuuya, ku kuyiisya kwakwe kwabubeji. Ta cigambyi wa kali kukonzya kukulika zina lya Lufu!

155 Mwa mubona sikutanta? I busena butanzi, mbuli sikulwanakristo, wa kali lufu, kukutalika; pele wa kanyina kaambo kaindi. Mpawo wa katambula musyini, umwi wabutatu; alimwi cindi nakacita, mpawo wa akamantana, Saatani kukamantana a mbungano yakwe, a cisi, nkaambo wa kali kweendelezya zyobilo kaindi. Sikulwanakristo wakali Saatani, mu ciwa ca muntu.

156 Elyo mapwo, awalo, Musalali Matayo, Nda syoma mboibede, cipati 4, cila twaambila obo—obo. Saatani wakatola Jesu, Mwami wesu, atala, a ku Mu tondezya mami aa inyika, oonse angawo, mu ciindi cisyonto, a bulemu bwa ngawo, kaatondezya kuli Nguwe. Elyo wa kati. . . Alo, alo akali aakwe.

157 Aboobo, nywebo mwabona, mpawo, ikuti na ula konzya ku kamantanya cisi cakwe a mbungano yakwe antoomwe, mpawo sikutanta mbizi iisubila inga weenzya, masimpe kweelede. Mwabona? Ninconzyo! Lino, mpawo, tu jana kuti maseseke akwe awa, mu mbungano a cisi cakwe.

158 I cibeela cane ca mulimo wakwe, ula tegwa munyama. Lutaanzi ula tegwa sikulwanakristo, mwabona; mpawo ula tegwa musinsimi mubeji; alimwi ula tegwa munyama. Lino tu mujana kuti awa mukuba kwiitwa mbuli munyama. Lino, Ndi yanda kuti muzibe, oko nkuzwa mbizi yane.

159 Elyo mu mbizi eyi yane, ikuti na mula bonesya, boonse. . . I mwi ntaanzi yakali kutuba; elyo mpawo imwi itobela yakali kusubila; elyo imwi itobela yakali kusiya; elyo imwi yane, zyoonse ezi zimbi zyatatwe zyaka imininwa muli njiyo; nkaambo, kusiyasiya nku subila a—a kutuba, a boobo, kusanganya antoomwe. Mwabona? Wa. . . Ya—ya kali yoonse isangene muli eyi mbizi yomwe. Mwabona? Elyo awo waba wane, na, mubwini, zyatatwe muli yomwe. Elyo ya kasanganisigwa yoonse mu cintu eco comwe.

160 Lino Ndi yanda kuti mubonesye bone babo. Amubone kupasaula kaambo, ya bone, ya mathematikisi zya kumuuya. Leza uli mubutatu. Eyi njane. Walo uli muli yane, awa. Ntaanzi, sikulwanakristo, iituba; yabili, musinsimi mubeji, iisubila; yatatu, sikwiminina wa majulu a nyika a—a busena bwakusalazizya myuuya yabafu, iisiya; wane, munyama, mbizi isiyasiya, Saatani katandwa kuzwa ku Julu. Mula yanda kubala eco? Ciyubunuzyo 12:13, Saatani katandwa kuzwa ku Julu. Mpawo mu Ciyubunuzyo 13:1, 8, wali fungula mu muntu wa munyama.

161 Walo lutaanzi ngu sikulwanakristo, kuyiisya buyo—buyo kutegwa Nikolayi; mpawo walo waba, kuzwa boobo, kuya ku musinsimi mubeji. Ikuti na ngu sikulwanakristo, sikulwanakristo ula *lwana*. Kufumbwa cintu cilwana Ijwi Iya Leza cilwana Leza, nkaambo Ijwi ngu Leza. “Ku matalikilo kwakali Ijwi, alimwi Ijwi lyakali antomwe a Leza, nkabela Ijwi

lyakaba mubili wabuntu, Kristo, a kukkala aakati kesu.” Elyo lino walo ulwana Ijwi, aboobo ngu sikulwanakristo. Pele muuya tau konzyi kusamikwa musyini; ako nke kaambo ta katambula musyini. Buta buyo, butakwe myuumba.

¹⁶² Elyo mpawo cindi nakasika, ciindi cakusamikwa musyini, mpawo wa kaba musinsimi mubeji wa ku yiisia kwakwe kwa kulwanakristo. Mwa cimvwa? Mpawo wa bweza cceba, nkambo ula kamantanya inguzu zyakwe antomwe, mpawo ta elede kubuzya muntu. Walo mwendelezi wa cisi; walo mwendelezi wa Julu. Ula tambula musyini wabutatatu. Uli bambila muzeezo uutegwa “busena bwakusalaziza myuuya yabafu.” Oko, ikuti na—ikuti na bamwi babo bakafwa kaindi okuya, alimwi kaba jisi mali, yanda kuba bbadelela kuzwa, wa kali kukonzya kuba kombela kuzwa kuli mbubo. Nkaambo, walo uli jisi nguzu zya kucita boobo; ngu *sikwiiminina*. Nincobeni, mbwa bede. “Ula bweza busena bwa Leza, aa nyika.” Ikuti na eco tacili antangalala mbuli cintu cili coonse!

¹⁶³ Twa ka cijana, ka cisomweda ansi, kwiinda mu Bbaibbele, kubala myeelwe ya nombolo zyakwe a zintuzyonse zimbi. Ngooyu mbwabede. . . ? . . . kujokela mpoonya awa mu mweelwe wane, kutali mweelwe watatu. Mweelwe wane, mwabona.

¹⁶⁴ Lino atu jule, Ciyubunuzyo 12. Atu bale buyo eci aniini, nkaambo tula—tula ba aciindi cakucicita. Elyo atu bale Ciyubunuzyo i—i cipati 12 a kampango 13. “Elyo oora ndilyonya kwakali muzuzumo mupati. . . .” Peepe, Nda jana i—Nda jana busena bulubide. Ika 13:

Elyo cindi simwaaba naka bona kuti wa tandwa kuzwa mu nyika, wa kapenzya mwanakazi oyo wakazyala mwana mulombe.

¹⁶⁵ Lino, nywebo mwabona, wa katandwa, ku nyika, a kulifungula, mbuli muuya wa sikulwanakristo kulifungula kuba mu muntu. Oyo muntu ulacinca kuzwa ku cintu comwe kuya kuli cimbi, kuzwa ku muuya wa sikulwanakristo kuya ku musinsimi mubeji, elyo mpawo munyama kunjila muli nguwe.

¹⁶⁶ Mbubonya buyo mbuli Mbungano mboi komena; mbungano yakwe yakeenda kuzwa—kuzwa kuli sikulwanakristo ku musinsimi mubeji, alimwi, mu bukkalo bupati buciza, munyama oyo weelede kuyo buka. Aboobo, Mbungano yaba munzila njionya, kwiinda mu kululamikwa, kusalazigwa, a lubbizyo lwa Muuya Uusalala, ngu Kristo kali mu bantu, mbubonya buyo. Elyo ujisi cintu cini ca Ncico kuya okuya, i. . . mwabona, musyobo wa Ncico, mubwini. Ngooyo mbwabede, mbubonya buyo. Oyo nguwe. Wa katandwa kuzwa ku Julu.

¹⁶⁷ Lino tu jana kuti, mu Ciyubunuzyo 13:1 kusikaku 8.

Elyo Nda kaima aatala lya misenga ya lwizi, a kubona munyama kabbuka. . . .

168 Lino, njeeyi 12, oko nkwa katandwa. Lino amulangilile.

. . . kabona munyama kabbuka kuzwa mu lwizi, ka jisi mitwe ili ciloba a meja ali kkumi, alimwi atala aa meja akwe misyini ili kkumi, elyo atala a mutwe wakwe zina lya busanke.

Elyo munyama oyo Ngwe kabona wakali mbuli siluwe, a matende akwe . . .

169 Oh, ikuti nitwali jisi ciindi lino, ni twa bweza busiku boonse, moonya mu ziiminizyo awo, a kutondeezya, ku cileta cigaminina kuli nguwe alubo. Kufumbwa, bunji bwanu mulizi obo, kuzwa ku ziiyo zimbi.

. . . kali . . . matende a masekese, a mulomo wakwe . . . mulomo wa mulavu: a simwaaba waka mupa nguzu zyakwe, . . . cuuno, a . . . bwami.

170 Huh! Saatani walifungula! Mwabona?

Elyo Nda kabona umwi wa mitwe yakwe mbuli ya . . . yaka yaswa ku lufu; . . .

171 Elyo kuyaansi, mbuli mbo tuunka, ikuti na mula yanda, cindi mwaa kujana ciindi ca kubala kuyaansi. Peepe, atu—atu bale buyo aniini.

Elyo Nda kabona umwi wa mitwe yakwe mbuli kuti waka yaswa . . . lufu; nkabela ciyaso cakwe calufu caka ponesegwa: alimwi inyika yoonse yaka gambwa ku munyama.

172 Amu langilile buyo! Muta soli kulangilila kkomunizimu. Taili cintu cita cibelesyo, cibelesa mu maanza aa Leza, ku mugwasya buzuba bumwi kujana, “kuliya nkoto ya bulowa,” mbuli mbo tusika juunza masiku. Mwabona?

Elyo baka komba simwaaba . . .

173 Nguni wakali simwaaba? Saatani. Mbo mbubo? “I simwaaba uusubila.” Ncibotu.

. . . oyo wakapa nguzu ku munyama (oko nkwa jana nguzu zyakwe, mwabona): elyo baka komba munyama, kwaamba, Nguni uli mbuli munyama? nguni uukonzya ku lwana a nguwe?

Elyo kwaka pegwa kuli nguwe mulomo wakwaamba zintu zipati zya busanke; a nguzu zyaka pegwa kuli nguwe zya kuzumanana kwa myeezi ili makumi one aibili.

Elyo wa kajula mulomo wakwe mu busanke kuli Leza, (Mpaawo mpomubede, mwabona. Yaa.) . . . ku sanku zina lyakwe, (kumupa bubande) . . . cikombelo cakwe (buli mbusena bwa kukkalila bwa Muuya Uusalala), . . .

174 Ku bucita kuba busena mu Rome, Vatican City. Inga mwa selemuka buyo:

. . . a balo bakkala ku julu.

175 Wakaba sanku, kwiinda kukwaamba kuti bakali basikukombelezeya.

Elyo kwaka pegwa kuli nguwe kulwana basalali (nkabela wa cita), a ku bazunda (wa kacita): . . .

176 Waka baumpa ku cisamu cakuumpila! Kaba sanizya ku balavu! A kuba jaya munzila ili yoonse nja kali kukonzya!

. . . a nguzu zyaka pegwa kuli nguwe kweendelezeya mikowa yoonse, . . . myaambo, a masi.

177 Tii cakaba munzila eyo mu Rome kusikila ku Rome yabuhedeni niya kasandulwa kuba Rome ya bupoopu, a nguzu zya Katolika zyaka sabalangana nyika yonse, ku kupanga mbungano ya Katolika ya boonse.

Elyo boonse bakkala aa nyika bayo mukomba, abo bataka jisi mazina abo alembedwe mu bbuku . . .

178 “Uta gumi Mafuta Angu a waini!” Mwabona?

Elyo boonse bakkala aa nyika bayo mukomba, abo ba taka jisi mazina abo kalembedwe mu bbuku lya buumi lya Kabelele kuzwa ku malengelo aa inyika.

Ikuti na umwi uli jisi kutwi, a mvwe.

Oyo usololela mu bwaange uyo unka mu bwaange: oyo uwajaya kubelesya cceba uyo jaigwa kubelesya cceba. Ndoolu lukakatilo a . . . lusyomo lwa basalali.

179 Lino, twa kali mujisi kaboola, masiku aında, a cceba lyakwe pati, kuti ajaye.

180 Twa kajana kuti wa kajaigwa ku cceba, awalo, cceba lya Ijwi. Ijwi lya Leza, ndi cceba, libosya mabemba obilo, lilamu jaya, kumu pwayaula aansı eeni. Amulındile kusikila Mizuzumo ili Ciloba ikandındime majwi Ayo ku nkamu eyo ikonzya kubweza ncobeni Ijwi lya Leza a ku Lipa okuya, Liyo tundulula a kunenga. Elyo bayo konzya kujala majulu. Bayo konzya ku jala *ceeci*, na ku cita *ceeco*, kufumbwa ncoba yanda. Bulemu! Uyo jaigwa ku Ijwi eelyo lizwa ku mulomo Wakwe, libosya kwiında cceba lya mabemba obilo. Bayo konzya kwiitila mataani ali mabbilioni amwaanda ya nzinini ikuti na baali kuyanda. Amenı. Kufumbwa nco baamba, ciyo citika, nkaambo Ndi Ijwi lya Leza lizwa ku mulomo wa Leza. Inzıya. Amenı. Leza, lyoonse, Ndi Ijwi Lyakwe, pele lyoonse Ula belesya muntu ku Li kutauka.

181 Leza naka itila nzinini, kumusanza okuya mu Egepita, pele Wa kati, “Musa, eyo ni ncito yako. Njo kwaambila buyo cakucita, nkabela koya kacıcite.” Wa kacıcita eco kumaninina. Mwabona? Na—Na kakonzya kusala i—i zuba ku ziitila, Na kakonzya kucitya mweezi ku ziita, na muuwo ku ziita. Pele, Wa—Wa kati, “Musa.” Eyo—eyo ni . . . Ula sala muntu. Yaa.

182 Lino tu jana kuti awa, kuti oyu Saatani, na kamana kutandwa kuzwa ku Julu, wakalifungula mwini mu munyama. Elyo lino walo munyama; sikulwanakristo, musinsimi mubeji, alimwi lino munyama. Elyo wakapegwa zina lya Lufu! Alimwi Gehena ila mutobela! Uuzwide Saatani, a cuuno cakwe cabwami! Oh, ma! Aa nyika, ngu Saatani, mwiiminizi, aa nyika, kuti lino walo mutwe wa mami aa inyika, mami ngaonya buya nga katondezya ku Mwami Jesu muli Matayo 4. Saatani lino waba mwaami kumaninina.

183 Lino, eci cicitika kwaakwiinda kaindi. Walo musinsimi mubeji lino. Uyo oba munyama, kwakwiinda kaindi, cindi akutyola cipangano cakwe okuya a bama Juda. Nywebo mulizi nzila tu. . . Ncibotu, amubone lino, uyo pegwa moyo wa munyama, ku ciindi eco, nkabela Saatani uyo lifungula mwini. Nkaambo, cindi Mbungano ya kuunka kujulu, Saatani uyo tandwa. Mwabona? Mwabona? Ca citwa, mpawo, cili, koonse kutamikizya kwakwe kwamana. Mwabona? Lino, kufumbwa. . .

184 Amulange, kufumbwa kuti Sikukombezezya kacili aa Cuuno cabwami, Saatani inga waima alya kutamikizya, nkaambo ngu simulao ku lubazu lumbi. Walo mulwani wa Kristo. Elyo Kristo ngu. . . Walo uliimvwi alya, i—i—i mulwani uliimvwi alya, kaamba, “Pele, lindila! Adamu wakawa! Adamu wakacita *ceeci*! Nda kamu zunda. Nda kacitya mukaintu wakwe kusyoma bubeji. Elyo Wa kati waka nyonyooka kuli mbubo. Nda cijana!”

185 Pele ngooyu Sikwiimaakati kaimvwi alya, ameni, Sikamukowa Munununi, ameni, kaimvwi alya a Bulowa bukonzya kubweza moyo wa sizibi mubyaabi maningi a kuu cinca. I Sikwiimaakati ula Cuuno cabwami. Iyi, munene.

Saatani wakati, “Pele bajisi mulandu!”

Ula konzya kwaamba, “Tabali boobo.”

186 Oyo Kklorokisi wa kaanzwa, na kupangwa, kugusya kaimba, kugwisya mubala kuzwa kuli inkii na kaimba kali koonse. Ba ci jana. Ciyo cipasaula kusikila toka cijani alubo. Cila jokela ku magaasi, alimwi lweendo loonse kujokela ku mumuni wa kkozimiki. A kwiindilila mamolekkyu a zintuzyonse zimbi, kusikila cajokela ku matalikilo oko nko cakazwida. Calo ncilenge. Jisi. . . Ii cilenge, caka cita kuzwa ku Mulengi. Pele oonse makkemikko ayo akapangwa a kubikwa antomwe, aka pasauka, alimwi nku koonse buyo kuliko kuli ncico. Ta ciciko pe. Acalo nciconya—i nciconya cintu ca meenda mbuli mbocibede, cilasangana a Kklorokisi, lili nditwe.

187 Ameni! Bulemu kuli Leza! Conse cila salala. Ncencico Bulowa bwa Jesu Kristo nco bucita ku mwana wini wa Leza, cindi ali lekelela cibi eco a kwiimikila alya, kalulamikidwe muli Bwakwe. . . Luse! Yawe! Nekubakuti ncipati maningi kusikila

Leza wakati, “Nse konzyi akwalo ku ciyeeya limbi. Elyo walo mwana Wangu ncobeni.”

188 “Nincobeni, Nda mwaambila, ikuti mwaambila dundu eli kuti ‘ko zyuka,’ a kuta zumbauzya mu moyo wanu, pesi kusyoma muli ceeco nco mwaamba, nywebo . . . ciyo boola kucitika. Inga mwa tambula eco nco mwaamba kuba.” Yebo uli mwana wakanununwa. Ameni! Ndi lizi obo mbwini.

189 Nda kabona basikaale kabalibonya kulaale, aa ziindi zili cisambomwe zyandeene, ezyo Nzye kazi, alimwi kutali buyo kukkala awa. Uli buyo mbuli . . . Ula konzya kulenga basikaale mbubonya Mbwa konzya kulenga nzinini, na bacula, na cili coonse cimbi. Ngu, Ngu Leza, Mulengi. Yaa! Elyo kakutakwe muntu ufwika . . .

190 Pele cindi cibi eco ca ufwika oyo calekelelwa a kudumpukila muli Kkrolokisi oyo, wa musamu uusalazya wa Jesu Kristo, Ula salazya cibi coonse. Ula njoloma kusalala, kaatakwe cibi, kaatakwe kampenda. “Oyo wakazyalwa kwa Leza taciti cibi, nkambo ta konzyi kubisya.” I musamu uusalazya uliimvwi aakati ka nguwe a Leza. Mbobuti mbo cikonzya kusola kunjila omuya, kakuli ula cipasaula aku citumina kujoka nkoonya kuli umwi waka cisandula sandula! Ameni!

191 Fyuu! Nda limvwa bukombi. Nda—Nda mwaambila, Nda jana cibukulusy o lino mbuli eco mbo citalika kuyubunuka.

192 Amubone, Saatani kumaninina, aa cuuno cakwe cabwami. Iyi, munene. Kacitondezya kuli Leza, kacitondezya ku Mwami wesu. Ngooyu mbwabede, kakkede awa, a moyo wabunyama oyu muli nguwe. Lino, ngooyu muntu, munyama, dyabulosi walifungula. Walo ubamba kulibonya kwakwe awa a nyika, kungsi lya kuliceengezya kwa bubeji. Oh, ma, yawe! Kunsilya kulicengezya kwa bubeji bwa Ijwi lya bwini, ulali swaanganya mwini a Ijwi.

193 Wa kacita cintu nciconya buya eco cikozyanyo cakwe—cakwe nco cakacita, oyo wakali Judasi, myaka ili zyuulu zyobilo zyakainda. Ino wa kacita nzi? Judasi waka njila, mbuli musyomi, kali dyabulosi kuzwa ku matalikilo. “Wa kazyalwa kali mwana wa lunyonyooko.” Ta kai nzizya cintu kuli Jesu, nkaambo Wa kali mu zyi kuzwa ku matalikilo nkoonya; ameni, nkambo Wa kali Ijwi. Ncibotu. Alimwi, amuyeeye, Judasi waka bweza cuuno ca muyobozi wamali, nkabela wakawa ku mali.

194 Mbubonya mbungano mboya cita buzuba obuno! I mbungano ya Katolika, mbuli mbo twa kabona masiku ainda, kubbadelesya ku novenasi, kubbadelesya ku mipailo, kubbadelesya ku zintuzyonse. Ci tandila kweelana, a kuwa ku cintu nciconya ku bana basimbi ba mbungano ya Katolika, bakali ba Protestanti. I cintu mbocizulwa civungidwe mu mali. Mpaawo mpa kawida Judasi, alimwi mpaawa mpa kawida, alimwi mpaawo ba Protestanti mpo bawida.

¹⁹⁵ Amulangilile, uleenzya mbizi isiyasiya mbuli mbwa libonya aa kweenzya kwakwe, oku kweenzya kwamamanino. Uli muli lwakwe lwamamanino lino. Lino, eco tacili mu buzuba bwesu. Eco ciyooba ansi. Calo Ncinamatizyo, cakaambwakale. Nkaambo, mwabona, Mbungano yakaunka kujulu eci cindi cano citika. Cindi Kristo alibonya ano aa nyika, mbuli—mbuli—mbuli... Oyu mulombwana ulalibonya, a kuba dyabulosi, uumaninide uumaninide; kuzwa kuli sikulwanakristo, lweendo loonse ansi, kwiinda mu musinsimi mubeji, mpawo mu munyama, dyabulosi mwini. Elyo uli tantide aa mbizi isiyasiya, ya mubala koonse, a kusanganisigwa misyobo yoonse ya mibala, ku mubamba usiyasiya a walufu.

¹⁹⁶ Pele cindi Mwami wesu akulibonya ano a nyika, Uno tantide mbizi iituba buu. Alimwi Unoli Emanuela, uumaninide, ncobeni, Ijwi Iya Leza Iyali fungula mu Muntu. Mwabona? Olo ndo lwandaano lunji luliko muli mbabo. Olo ndo lwandaano lwabo.

¹⁹⁷ Amubone, sikulwanakristo utantide mbizi isiyasiya, mibala iisangene. Ii mbizi munyama oyo wiiminina nguzu. Nguzu zyakwe zili sangene. Nkaambonzi? Twalo ntunzenyu, ni—ni inguzu zyacisi, ni inguzu zyabukombi, ni inguzu zya madaimona. Misyobo yoonse ya inguzu zisangene antoomwe, zisangene, mbizi isiyasiya mboya kabede. Ijisi misyobo yoonse ya inguzu.

¹⁹⁸ Pele cindi Jesu akuboola, mpa mbizi yomwe yamubala uusitikide, Ijwi. Amenii!

¹⁹⁹ Oyu umwi ulasanganya mibala yakwe, wa uusubila, uutuba, uusiya; mibala yotatwe muli omwe, kwiimininwa muli omwe. Elyo inguzu zyotatwe zyaimininwa muli yomwe; mbizi iituba, mbizi iisiya, mbizi iisubila. A misyini yotatwe, muli omwe. Mwabona? Masimpe.

²⁰⁰ Nda kaubona musyini, lwangu; kaima, oh, munsii *obo* a kuulanga. Teeba kandi lekela kusika kuli nguwo, ku kaambo ka gilazi, ali nguwo. Aboobo ngooyo mbuwa kabede, cikulukulu cipati ali nguwo, kaukkede mu cibikkilo: musyini wabutatu. Aboobo Ndi lizi kuti mbwini. Uh huh. Aboobo ngooyo mbwakabede, musyini wabutatu, sikwiiminina: julu, busena bwakusalazizya myuuya yabafu, a nyika.

²⁰¹ Inguzu zyotatwe zyakamantana antoomwe, mwabona, yoonse kusangana mu mubala omwe, usiyasiya. Lufu lwa kaamba cintu coonse; catunzenyu, a—a bukombi, a—a inguzu zya madaimona, zyakasangana antoomwe. Tunzenyu, walo mwaami wa tunzenyu, Saatani mbwabede. Mucenjezu! Fyuu! Masimpe. Muta soli ku mwiindila. Kosyoma buyo—buyo Mwami. Kwa mana.

²⁰² Mbuli mbo Nda amba, boonse, kainda kale muli ncico. Boonse busongo, lwiio a zintu mbuli ezyo, zizwa ku lubazu lutali kabotu. Amu citobezye buyo mu Lugwalo, akubona na ta ciluleme. Amutobezye bana ba Kaini a kubona obo mbobakaba.

Mpawo amutobezye bana ba Seti, mubone obo mbo bakabede. Kutali kuti Ndi iminina kubula luzibo, pee nconzyo. Peepe, munene. Pele amubweze kufumbwa bantu, nobaceya, bamu Bbaibbele, nkusyoonto loko . . .

²⁰³ Elyo kuli umwi waka uzikidwe kuti Paulo, oyo wakali muntu mucenjezu, elyo wa kati wa kaluba zintuzyonse zya kazi, kutegwa azibe Kristo. Wa kati, “Nse kaboola kuli ndinywe a majwi akweelelezya aa busongo bwa bantu, pele Nda kaboola kuli ndinywe mu Nguzu zya bubuke bwa Kristo.” Mbo mbubo, Nguzu zya Muuya Uusalala!

²⁰⁴ Amulange bamwi. Bamwi babo akwalo tiba kazi janza lya lulyo a lya lumwesi. Elyo—elyo, oh, amulange muciiindi ca bukkalo bwa basinsimi, a nko bakazwida, abumwi bumbi. Mwabona eco Nce wamba na?

²⁰⁵ Mwabona, mbwa bucenjezu, bupampu, a busongo. Busongo nce cintu ncoonya cimugusya kuzwa kuli Leza.

²⁰⁶ Wa kajisi inguzu zyoatwe, na bwami botatwe—botatwe: nyika, Julu, abusena bwakusalazizya myuuya yabafu.

²⁰⁷ Mbwa bedede, lwakwe, butatu. Obo mbwa pangidwe. Alimwi uleenzya mu butatu. Nguzu zyakwe zili mu butatu. Musyini wakwe uli mu butatu. Mbizi yakwe ili mu butatu. Obo mbwa bedede, butatu; nguzu zya butatu, musyini wa butatu, mbizi (keenzya) ya butatu; ayo maofesi, one alubo, mwabona, one alubo. Neibotu.

²⁰⁸ Zibeela zyoatwe zya mulimo wakwe, zimubamba muntu omwe, Saatani walifungula. Zibeela zyoatwe zya muli- . . . sikulwanakristo, musinsimi mubeji, a munyama. Zyalo zyoatwe, kukozyanya, mwabona. Lino kuli zikozyanyo zyoatwe, lino, ziliko zimupanga.

²⁰⁹ Leza, Leza ula liyubununa Mwini, awalo, mu meenda, Bulowa, Muuya; panga Munakristo i mwana wa Leza, kwiinda ku Ijwi lya Leza. Mwabona? Elyo inguzu ezi zyoatwe zimupanga dyabulosi. Mwabona? Oh, Eci aa, meenda, Bulowa, a Muuya, uli ngu Leza. Elyo *oto* ntunzenyu, bukombi, a nguzu zya madaimona, zisangene antoomwe, zimupanga kuba dyabulosi.

²¹⁰ Kuboola kutaanzi kwa Kristo, uufwika. Ula boola ziindi zyoatwe. Kristo uli mubutatu. Mwabona? (Amulangilile obo mbwa boola; ngwa bune.) Amulangilile Kristo. Kuboola kutaanzi, Wa kasika kali uufwika, ku kuzwa malowa a kufwa. Sa mbo mbubo? Oko nkuboola Kwakwe kutaanzi. I Kuboola kwabili nkwa Kukwempwa; tuyo Mu swaana mu milengalenga, uatafwiki. Kuboola Kwakwe kwatatu, Ngu Leza walifungula. Amen! [Mukwesu Branham wakamba maanza akwe antoomwe lomwe—Mul.] Leza, Emanueli, wa kulela nyika! Mbo mbubo, zyoatwe buyo.

211 Cibeela cane ca sikutanta, amulange. I cibeela cane ca oyu sikutanta utegwa Lufu. *Lufu* caamba “Kwandaanisigwa kutamani kuzwa kuli Leza.” Eco nco lwaamba lufu, kuba wandaanisigwa Kutamani kuzwa kuli Leza.

212 Lino, ikuti na twa kabikka oyu mulombwana abusena, musela, ikuti na twa ka tondezya kwiinda ku Bbaibbele, oyu mulombwana mbwabede; alimwi akwalo twa kabweza zilundu, busena a koonse, mbubonya buyo mu tumpangaliko, kuyabuselemuka ncobeni. Elyo lino ula tegwa, ngu sikwaze, “Lufu.” Obo Mbwa mwiita. Amuyeeye, awa, mwabona, lufu nkwandaanisigwa Kutamani.

213 Amuyeeye, basalali tabafwi. Ba laona, kutali kufwa. “Oyo uumvwa Majwi Angu, a kusyoma ali Nguwe waka Ndi tuma, ujisi Buumi Butamani.” Mbo mbubo. “Ta kabooli mu lubeta; wainda kuzwa ku lufu kusika ku Buumi. Ndime Bubuke a Buumi,” wakaamba Jesu. “Oyo uusyoma muli Ndime, nekubakuti wakali fwide, kwalo uyo pona. Alimwi kufumbwa oyo uupona a usyoma muli Ndime taakwe nayofwa.” Lazaro, lifwide? “Ulo ona.”

214 “Muta yoowi, musimbi ta fwide, pele ulo ona.” Baka Mu seka ca kusabula. Sa mbo mbubo? Oh, ma! Mwabona, basalali taba fwi.

215 Kwandaanisigwa kuzwa kuli Leza ndufu, lufu Lutamani. Elyo oyu mulombwana ula tegwa “Lufu,” aboobo amu mutantamuke. Ino nguni? Ii cianza, cakabungwe cakabunganisigwa; ntaanzi, ya mweelwe mutaanzi, mbungano, yakabunganisigwa, alimwi cindi na kabweza i—i kumvwisya kwa Constantine, ku Kkansa yaku Nicaea.

216 Twa kaba leta banakazi, masiku ainda, a kutondezya nzila eyo Eva, nabwiinga mutaanzi, mulumi wakwe kataninga sola kusika kuli nguwe, waa kawa, kwiinda kukutasyoma Ijwi lya Leza mu Edeni. I nabwiinga wakumuuya oyo wakazyalilwa ku Buzuba bwa Pentekoste iwa Kristo, Walo kataninga kusika kuli nguwe, ncinzi cakacitika? Waa kawa, ku Rome. Ncinzi? Kasweekelwa bubotu bwakwe ibwa Ijwi, nkambo ka kayanza kabuzumini. Amen. Oh, ma!

217 Nda—Nda—Nda limvwa kuti cibukulusyoko caboola ali ndime alubo, iyyi, munene, kuyeeya ceeco . . . Nse kanzi kulilemeka ca kusondoka. Nsya ambi ceeco. Pele Ndi buyo . . . Tamu mumvwisi eco nco cicitika kuli ndinywe. Nda kali kkede mukati nkambo ka ceeci kwa mazuba one lino. Buyo . . . alimwi nkuti buyo Nde elede kwaamba cintucimwi, kubaanga kundi bamba kulimvwa mbuli muntunsi alubo. Nywebo mulizi eco nce Ndi pandulula. Inzya. Ncibotu. Talika kwaambaula mbuli boobo, nkabela ulabona zilengaano kazipasauka koonse ku busena. Mbo mbubo. Mwabona, ako nkekaambo Nda amba cintucimwi kuti ndili jonya lwangu alubo, a kuzunganya alubo. Mwabona?

218 Sena mwaka sola kubona cindi Nda nojisi mundando wa kutweluka? Njo amba cintucimwi, cibamba bantu kuseka; mpawo Njo amba cintucimwi, cibamba bantu kulila; mpawo Njo amba cintucimwi, cibabamba kunyema. Ndi jisi cintucimwi cazwezegwa. Alimwi Njo amba cintucimwi, kubona mbo citola, mpawo Nda bona musyobo wa mumuni uli atala lyabo, eco cicitika. Mpawo Ndi lizi awo mpo cibede, alimwi Ndi lizi naa Ci laita na pe. Ikuti na tacili . . . Kkala alya, musyomi wini, yaa. Wa baita, mpawo, wati, “Yebo, *Niini-a-niini*.” Mwabona.

219 Elyo cindi wasika ansi, Muuya utalika kunanika, mpawo watalika kubona oko kumweka kakusika koonse, mwabona, mbuli obo, kuzunguluka, kuzunguluka kaanda. Aboobo, nke kaambo Nda amba cintucimwi, kubaanga nkutalika kujoka, kotalika bupya alubo, mwabona.

220 Kuzwida Munsondo mwainda, Ndi kkala moonya mu kaanda, kupaila buyo, kwa mana, a kunsilya bunanike. Elyo Ndilizi Eci kuti eci cili luleme. Ikuti na mula syoma Leza, Ndi lizi mula cita, amu lange buyo ku mamanino aa mvwiki. Uh huh. Mwabona? Mwabona? Ncibotu. Mwabona?

221 Lino, lufu caamba kwandaanisigwa Kutamani kuzwa kuli Leza. Alimwi amuyeeye, lino, basalali taba fwi.

222 Amuyeeye, nabwiinga wakwe waka pegwa mbizi isiyasiya, i . . . Nda amba, oyu sikutanta waka pegwa mbizi isiyasiya, ya—ya kwiinka ayo. Wa kapegwa eyi—eyi mbizi isiyasiya, ya kwiinka ayo. Elyo wa keenzya mbizi eyi isiyasiya, ya lufu. Lino tu lizi eco mbo cakabede. Tu lizi obo mbungano mboya kabede.

223 Elyo amuyeeye, mu busiku bwainda, ta kalibiyo “muvuule,” waa kali “banyina wa basibwaamu.”

224 Elyo twa kajana kuti, eco nce caka mubamba kuba muvuule, wakali, mwanakazi oyo uli ncikozyanyo ca mwanakazi. Ndili buyo . . . Ndi bbala bbi, kwaamba aakati ka bbunga lisangene. Pele Bbaibbele lyaamba boobo, nywebo mwabona. Aboobo, mpawo, tula mwiswa kuti oyo—oyo mwanakazi uuponona cakuta syomeka ku zikonke zya lukwatano. Elyo nywebo mwabona, walo weelede kuba, mbwaamba mwini, mbwa liiya mwini, “I Namalelo wa Julu.” (Oyo inga waba Nabwiinga wa Leza. Leza ngu Kristo.) Elyo twa kajana kuti ucita bwaamu, alimwi ucitya bami baa nyika kucita bwaamu, alimwi bantu boonse bavubi, a bantu balemu. I nyika yoonse yaka tobela nguwe. Mwabona?

225 Elyo mpawo twa kajana kuti waa kazyala bana basimbi, nkabela bakali basibwaamu. Ncinzi sibwaamu cita muvuule, ncintu comwe; sibwaamu, bwaamu, bubu, mamambe, kucita. Ino bakacita nzi? Kabunganya, kajana ciyanza, kayiisya ziyanza zyakacitwa aa muntu, Pentekoste a cikungo coonse!

226 Lino, muta lekele manjezeezya anu—anu kulokela mu nkomo yanu, Pentekoste. Andi mwaambile cintucimwi. Atu lange cintu

moonya mu busyu. Twa mukisya kuselemuka mugwagwa lino, kuunka ku kuvunga mfwaindi. Amulange awa.

227 Tu ponena mu Bukkalo bwa Mbungano ya Laodikeya. Alimwi obo bwakali bukkalo bwa Mbungano bufuba loko kuli boonse babo, bukasaala, a bulikke obo Kristo mbwakali aanze, kasoleka ku jokela mukati. Alimwi oyo mulumbe wa Pentekoste uyabuya, kati, “Ndili vubide!” Mulombe, wakali mucete, lutaanzi. Lino wavuba ncobeni, wabona. “Taakwe ncobulide!” Elyo—elyo, oh, mboobo mbwa kabede!

228 Wa kati, “Uli cinswe, uusampukide, moofu, mucete, mupenzi, nkabela akwalo tocizi.”

229 Lino, ikuti na muntu wakali cinswe, kubusena okuya aa kagwagwa, a kuta ciziba, baa, inga wasola kuligwasya mwini. Pele cindi walo—cindi walo na ta cizyi, alimwi to konzyi ku mwaambila lwandaano, mpawo uli mu ciimo cibyaabi. Leza amufwide luse. Nconzyo. Amuzibe. Oh, ma!

230 Lino, amuyeeeye, oyu sikulwanakristo, lwakwe, mukuba muntu; nabwiinga wakwe, ili ni mbungano yakwe, “ya kapegwa ciindi ca kweempwa, nkabela tee yakacicita,” mu bukkalo obo bwa mbungano, Tuataira. Sena ula ciyeeya? Mula konzya . . . ?

231 Ee, atu jokele aniini buyo. Ta ciko tunyonganya kujokela aniini buyo. Atu jokele, ku cipati 2, aniini buyo. Tula cibala buyo, cipati 2 ca . . . lino, Tuataira. Lino amulange eci, cakufwambaana buyo lino. Ma, tu tandila ku ciindi cakujala, nkabela ta tuna talika. Pele, amubone, Tuataira. Lino, butalikila a kampango ka 18 ka i—ka cipati 2.

. . .kuli angelo (oyo mutumwa) wa mbungano mu Tuataira lembu; Ezi zintu mbwaamba Mwana wa Leza, oyo ujisi meso akwe mbuli mabangabanga . . . a matende akwe ali mbuli ku butale bubotu;

Ndi lizi milimo yako, a luyando lwako, a mulimo wako, a lusyomo lwako, . . . a lukakatilo lwako, a i milimo; alimwi yebo we elede kwiindilila i . . . a wamamanino kwindilila mutaanzi.

Nekubaboobo Ndi jisi zintu zisyoonto zya kulwana nduwe, nkaambo wa lekela oyo mwanakazi Jezebele, . . .

232 Mpaawo we. Muli muzi, mu Bbaibbele. Waa kali mukaintu wa Ahabu. Elyo ngooyu mwanakazi, mbungano, Jezebele, mukaintu wa musinsimi mubeji, oyo weelede kuba musinsimi wakasimpe iwa Leza, poopu; nconzyo, musinsimi wakasimpe a mukaintu wakwe, Jezebele. Lino, Ahabu wa keelede kuba mu Juda wakasimpe, pele wa kali mumpelenge, nywebo mulizi obo, nkaambo mukaintu wakwe wakali kumusololela buyo kufumbwa nzila nja kali kuyanda. Tu jana kuti, Jezebele watola mali akwe a kusololela aba nzila njoba kali kuyanda, abalo.

...oyo uliita kuti musinsimi mwanakazi, (mwa cimvwa?), ku kuyiisya . . . kweendelezya balanda bangu (mwabona, oko nku yiisya kwa Jezebele kwakafumpa cisi) ku cita bwaamu a . . . kulya zintu zituulwa ku mituni.

... Nda kamupa ciindi ca kweempwa (mwabona?) kwa bwaamu bwakwe; nkabela ta keempwa.

233 Amulangilile kampango aka katobela.

... Njo musowela mu bulo bwakwe (eyo ngu gehena), a baabo bacita mamambe a nguwe ku mapenzi mapati, . . . (Oko nkwiinka mu Mapenzi mapati. Kutali Mbungano, lino.) . . . cita beempwa ku micito yabo.

234 Lino amulange, awa.

... Njo jaya bana bakwe (basibwaamu bakwe) kubelesya lufu (lufu lwakumuuya); . . .

235 Mula cisyoma na? [Mbunga yaamba, "Ameni."—Mul.] Eelyo ndi Ijwi. "Njo bajaya kubelesya lufu." Elyo ikuti na bajaigwa, balandaanisigwa Kutamani. Yaa. Amuyeeye, Wa kamupa ciindi ca kweempwa.

236 Bukkalo bwa Tuataira bwakali bukkalo bwa musinze. I sikutanta mbizi isiya mu ciindi eco, elyo bantu boonse banji a zintuzyonse nizya kabadelelwa, alimwi mipailo, a—a novenasi, azimwi zimbi. Lino amubone mbizi yakwe iisiya, mpawo, nakamana kukaka kweempwa mu Tuataira, (inzi?) kucinca kutanta kwakwe kuzwa ku mbizi iisiya kuya kuli imwi isiyasiya, lufu, ya mulimo wakwe wamamanino.

237 Lino, inga Nda pa buyo kuzungaanya kuniini ku mugame awa. Kukaka Leza, kukaka lwiitolwa Leza, uyo kucita ciindicimwi camamanino. Elyo, mbuli buyo eyo mbungano mboya kacita, yamana. Leza, lukakatilo, talu kakazyanyi a muntu lyoonse. Mwabona?

238 Elyo cindi naka Li kaka, a kukaka ku Li tambula, mpawo waa kacina a kuunka . . . Elyo lino ujisi zina litegwa "Lufu," kwandaanisigwa. Leza wakati, "Njo batola abalo bana bakwe, ba Protestanti, a oonse wabo Njo jaya kubelesya kwandaanisigwa Kutamani." Mpaawo we, Bukkalo bwa Tuataira, bukkalo bwa musinze. Mbizi yakwe iisiya lino yasanduka kuba lufu, ya mulimo wakwe wamamanino.

239 Amubone nzila mbungano mboi sangana Zinamatizyo? Kulondoka buyo. Elyo tu lizi Cili luleme. I Muuya Uusalala tau lubizyi. Wa ka tupa kusimpikizigwa kupati, ciindi cainda, eelyo ni twa kamanizya makkalo aya ambungano kaindi okuya, nywebo mulizi.

240 Amubone Leza, wa luyando wakukkazikamoyo! Walo Ka tana leta lubeta ali nguwe, Wa kamupa busena bwa kweempwa. Elyo muu Zina lya Mwami Mwe amba ceeci: Wa pa mbungano

ya Protestanti cintu nciconya, alimwi tai ka ciciti. I Mulumbe wazunganya koonse, nkabela ta ka ciciti. Uyo bweza tuyanza twakwe twabuzumini a buzumini bwabukombi, Ta ndikwe makani kunji nko Li pandulula.

241 Mbuli Mbwe kaamba okuya mu Chicago, buzuba bumwi, kumbele lya bakutausi bainda ku bantu baliko okuno! Elyo okuya bakandi syanikizya, kujatikizya Njiisyo, lunyungu lwa nzoka a zyoonse zintu ezi zimbi. Nda kati, “Muntuumwi abweze Bbaibbele lyakwe, a kuboola okuno a kwiima muni lyangu mpawo.” Elyo taakwe umwi wa kaamba cintu.

242 Tommy Hicks wakati, “Nse—Nse na mvwide cili mbuli Eco kale, Mukwesu Branham. Ndi yanda myaanda yotatwe ya matepu ayo. Ndiyo atumina ku bakutausi bangu boonse.”

243 Kwakali batandila ku makumi osanwe, na makumi ali ciloba aosanwe, kati, “Nda boola kunselelo okuya kuzobbizigwa alimwi.” Sa baka sika? Taakwe umwi wabo. Nkaambonzi? Wa kabapa ciindi ca kweempwa! Elyo Uyo sowa bana bako mu lufu, lufu lwa kumuuya.

244 Tuyo cibweza eco juunza masiku, Mwami nawayanda, na mu Mujibelo masiku, aa Zipenzyo ezyo zya kainda. Amu langilile citola busena awo.

245 Mbuli Mbwa kapa Egepita, Wa kapa Egepita busena bwa kweempwa. Elyo cakali cipenzyo nzi camamanino? Ca lufu.

246 Eco nce cipenzyo camamanino cauma mbungano ya Pentekoste, ndufu lwa kumuuya. Yalo ili fwide. Omo mu Zina lya Mwami. Yalo ili fwide kumuuya. Wa kaipa busena bwa kweempwa, nkabela yaka Li kaka. Lino ili fwide. Tai kabuki alubo.

247 Elyo balo bantu okuya, kabasola kunjizya bana Episcopaliani a bapaizi, abamwi bambi, a kubaita kuti, “Taata Uusalala *Niini-a-niini*.” Baa, beelede kuusa kuli lwabo. Mbobuti muntu mbwa konzya koofwaala! Sa Jesu takaamba? Cindi oyo nakalindu oona nakasika kuula Mafuta, ta Ka jana pe!

248 Bantubonse, mula mvwa bantu kabati, “Ndi jisi Muuya Uusalala. Nda kaambaula mu myaambo.” Pele taba yandi kuboola koonse a mbungano mbuli eyi. “Oh, yebo wati, Ta ndisyomi kuti Ndi yanda kuba ku busena buli boobo.” Elyo mpawo waamba kuti ujisi Muuya Uusalala?

249 Pele uyanda munzila zyako zya bulemu. Yebo uyanda kukkala mu Babiloni nkabela kocibotelwa zilongezyo zyaku Julu. We elede kusala muzeezo wako. To konzyi kukkala omuya mu inyika a kubelekela Leza ku ciindi comwe. Jesu wakati to konzyi kubelekela Leza a lubono. Aboobo ikuti na toka langili. . .

250 Ikuti na waka futulwa ncobeni, uyo botelwa miswaangano oko Muuya Uusalala nkou lisimpikizya Wini a kutondezya kuti Ijwi lya Leza lili boobo.

251 Muntu umwi wakati, “I bantu bapanga coongo maningi. Cindipa kulibilika.” Uyo libilika ikuti na ukasole kusika ku Julu. Elyo akuyeeya buyo, cindi boonse babo baliko okuya, mpawo ino kujatikizya ncico? Oh, ma! Nzila Mwami mbwa yanda kuja . . .

252 Walo ulakkazikamoyo, mbuli Mbwa kabede mu mazuba akwa Nowa. Wa kasoleka canguzu. Wa kakkazikacamba kwaciindi, kwa myaka ili mwaanda amakumi obilo, kubabamba kweempwa. Tiiba kacicita.

253 Ku mazuba a Egepita, Wa katuma zipenzyo a zintuzyonse zimbi. Tiiba kacicita.

Wa katuma Johane. Tiiba kabweeda.

254 Wa katuma Jesu, kuzo fwa, kuvuna nkamu yoonse eyo yakalino mvwa Ijwi.

255 Elyo lino, ku mazuba aakumamanino, Wa kasyomezya alubo kuti Uyo tuma Mulumbe waku Mwi ita kuzwa, a kuboomezya Lusyomo lutaanzi kujokela kuli Ndilyo, kujokela ku Ijwi. Elyo tiiba ka Li tambula. Ba kaba batuyanza loko twabuzumini, mu tuyanza twabukombi a buzumini bwabukombi bwabo, kusikila taba Li yandi. Oh, ba yeeya kuti baka jisi ii . . . ikuti na Angelo waselemuka; pele Leza taciti zili boobo.

256 Ula bweza cintucimwi cabuyo a cifuba, cintucimwi eco citazi ma ABC aco pe na—na kufumbwa cintu. Elyo mpawo Ula bweza oyo musyobo wa muntu, nkaambo Ula konzya kubweza cintucimwi eco citakweankociya elyo mpawo kubeleka kwiinda muli ncico. Kufumbwa kuti cintucimwi kaciyeeya kuba cilemulemu, mpawo taba konzyi kucita cintu ancico. Ula cita eco lyoonse. We elede kutaba cintu, kuti ube muntuumwi kuli Leza. Oh, ma!

257 Amuzibe, nekuba, “Wa kamupa ciindi ca kweempwa, pele ta kacicita.”

258 Wa cicita alubo; ta ka ciciti. Kukaka kwakwe, nzila, imu bamba, na, kukaka kwakwe kulondola nzila ya Saatani ku njila muli nguwe a kulifungula. Mbo mbubo. Ula lifungula mwini moonya muli nguwe, nkaambo waa kaka Ijwi. Alimwi ncecentu nciconya ncobeni eco mbungano ya Protestanti ncoyaba, sibwaamu, nkaambo waa kaka Bwini bwaka simpikizigwa ibwa Ijwi lya Leza, nkabela eco cipa dyabulosi busena bwa kunjilila ncobeni a kulifungula mwini. Elyo uyo panga cinkozya ku munyama cindi ba kuvwaana antoomwe, nkoonya kutala lino, a kuunka mbubonya buyo eco Nca kaamba. Mbo mbubo. Amenii.

259 Ikuti ni Ndali jisi lwiiyo, Ne konzya ku Ci tondezya. Ta ndijisi lwiiyo. Ndi langila buyo Muuya Uusalala ku Ci yubununa

kuli ndinywe. Elyo Uyo cita, kuli baabo ba . . . Mbo mbubo. Uyo cicita. Iiyi. Amubone.

²⁶⁰ Amulange nzila, eco nca kacita awa. Waa kaka Mulumbe wa Leza iwa kweempwa kwakwe. Waa katalika kweenda, kali sikulwanakristo, alimwi mbo mbubo mbwa kabede. Waa kasika, kali musinsimi mubeji, dyabulosi walifungula, alimwi, cindi na kacita, a kuyiisya kwakwe kwa bubeji. Elyo mpawo, muli koonse kwa ceeco, Leza wakamupa ciindi ca kweempwa, kasola ku mubamba.

²⁶¹ Mwabona nzila ya kukkazikamoyo? Ino nduyando lubotuloko! Takukwe luyando luli boobo! Amulange kuli baabo, akwalo oko kuswida ku busyu Bwakwe a zintu, Wa kabalekelela. Oyo ngu Leza, mwabona. Muta . . .

²⁶² Ulakaka Mulumbe wa Leza! Amulange, waa kaambilwa kweempwa, kujokela oko nkwa kawida.

²⁶³ Elyo nkuuli nkwa kawida? I Ijwi. Neonzyo. Nkuuli Eva nkwa kawida? [Mbunga yaamba, “I Ijwi.”—Mul.] Ijwi! Nkuuli kabungwe nko kakawida? [“I Ijwi.”] Mpaawo we. Mwabona? Taakwe nzila imbi. Buyo, acimwi ciindi, jokela nkoonya ku Ijwi, kujokela nkoonya ku Ijwi. Mwabona? Alimwi banjila mu ciyanza eco cibeenzya kuzwa ku Ijwi, cibeenzya kuzwa ku Ijwi mu cibaka ca kuya ku Ijwi. Amuzibe.

²⁶⁴ Amulange, waa kapegwa ciindi ca kweempwa, kujokela. *Kweempwa* caamba ku “jokela, kucebuka, kujatikizya busyu.” *Kweempwa*, “jokela.” Elyo waa kapegwa ciindi caku jokela oko nkwa . . .

²⁶⁵ Lino amuyeeye, waa kali mutanzi, Mbungano ya pentekoste cakuti Muuya Uusalala waka tilwa, aa Buzuba bwa Pentekoste. Mbangaye basicikolo ba Bbaibbele bazi boobo? Masimpe, mbwa kabede. Mwabona oko nkwa kazwida na? Waa kawa kuzwa ku Ijwi, a kuzumina kayanza kabuzumini. Ula ngila . . . Mu cibaka ca Muuya Uusalala, waa kayanda muntu uusalala, “Mwiyi LL., Ph., Q.U.” elyo mpawo kumubamba kuba popu. Mwabona? Masimpe. Pele, walo, ncencico ncakali kuyanda, muntumwi ku mupailila. Muntumwi . . . Waa kabbadela mali buyo kumu gusya, elyo nku koonse nkwa keelede kucita. Mwabona?

²⁶⁶ Lino, ncintu nciconya asunu. Kufumbwa kuti kaba jisi kadangamwa ka kukkalila, kupa kunji loko mu mutiba wa mulumbo, oko nkunji kweelede. Balo mamembala ba mbungano eyo. Muta baambili cimwi cimbi kujatikizya Ndilyo; taba yandi kuziba. Abo mbana bakwe basimbi.

²⁶⁷ Lino, nkuuli nkwa kawida? Kuzwa ku Ijwi taanzi lya baapostolo bacipostolo a basinsimi. Oko nkwa kawida. Oko ba Protestanti nkoba kawida.

²⁶⁸ Amweempwe! Amujokele! Amunyone ciindi nocitana mana. Tacina mana ciindi. Bumwi bwa mazuba aya oyo Kabelele uyo

siya busena Bwakwe, elyo mpawo kwamana. Mbubonya bana bakwe basimbi mbo bambilwa lino, kakutanaba kubetekwa kuli nguwe, ku “bweeda.”

²⁶⁹ Lino, Mulumbe wamamanino ngo bajana, nciindi oyo musinsimi oyo Ngwe zwaa kukanana. Kwalo, Ndali kubala mabbuku angu manji kujatikizya ncico. Elyo Ndi lizi kuti bantu beni, babotu, bayeeya kabotu, bajisi kuyeeya kwa kumuuya balizi kuti eco cila boola. Ba lizi eco. Ba lizi kuti cila boola, mwabona. Ba . . . Pele penzi lyaco, nkuti, ba zumanana kwaamba kuti, “Tula ciyanda. Ci yooba.” Elyo cindi Ca boola, abo bayooba babombe loko; antela bayo Ci impya mbuli mbo bakacita ciindi cimwi. Mbo mbubo. Bantu bayo lemba kujatikizya Ncico, a zintuzyonse, kwaamba, “Oh, iyyi, ceelede kuba.” Elyo mpawo ku Ci lekela kutondezegwa kumbele lyabo, nkabela bayo zumanana ncobeni, mwabona. Aboobo, ba kacicita eco lyoonse.

²⁷⁰ Amulangilile lino, Ijwi taanzi. Bala li- . . . ba . . . We elede kweempwa, ku jokela, nekuba, aboobo bana bakwe basimbi baambilwa. Ku sungilizigwa . . . bayo betekwa, a kusowelwa mu bulo moonya a kujagwa a nguwe. Ba kaambilwa kunyonena ku Ijwi taanzi, kujokela ku Njiisyo ya baapostolo. Pele, ba langidwe loko ansi ku buzumini bwabo bwabukombi a zintu, taba kaciciti. Bayo Ci fubaazya buyo.

²⁷¹ Mpawo ncinzi ncoba cita? Kumalekelo balipanga mu cinkozya ca munyama, nguzu zimbi; amuzibe, a kucita, kuli Nabwiinga wa Kabelele, mbuli mbwa kacita mu Ciyubunuzyo 13:14. Nce cintu ncoba cita, kupenzya buyo, cintu nciconya buyo. I mabungano afubaazya buyo Nabwiinga wabwini iwa Kristo, mbuli Rome mboya kacita lyoonse. Mbubonya buyo. Iyyi, munene. Lilacita ku i—i Nabwiinga wini wa Kabelele mbubonya buyo mbwa kacita mu Ciyubunuzyo 13:14.

²⁷² Lino amubone. Tula bona, kwiinda ku Ijwi lya Leza ilya cisyomezyo, Uyo—Uyo jaya bana bakwe, tubungwe, bana bakwe basimbi, kubesya lufu lwa kumuuya. Lino, eyo ngu Ciyubunuzyo 2:22. Muta cilubi. Ku jaya, weelede kujagwa. Alimwi *lufu* “Kwandaanisigwa Kutamani kuzwa ku Busyu bwa Leza.” Amu ciyeeye eco, beenzuma. Amu ciyeeye eco. Muta syomi mu buzumini bumwi bwabukombi bwakapangwa aamuntu. Kufumbwa cintu ciimpene ku Ijwi, amu citantamuke.

²⁷³ Lino amulangilile, amulangilile mu Bbaibbele awa. Lya kati zina lyakwe wakali Gehena, alimwi . . . Nda amba:

. . . zina lyakwe *wakali Lufu, nkabela gehena yakali ku tobela nguwe.*

²⁷⁴ Lino, gehena lyoonse itobela lufu, mu bulenge. Cindi muntu wakunyama aafwa, gehena ila mutobela; eco ncuumbwe, tubanda, mwabona, eco mu bulenge. Pele ku muuya, ndi Ziba lya Mulilo, mwabona, yaa, mu kwandaanisigwa Kutamani, oko nko baumpwa.

275 Alimwi—alimwi Malaki 4 wakati, “Uta kasiyi akwalo cikuba, na mutabi, na cintu cimwi.” Ni nzila ya inyika mboili salazya ini alubo, nkambo ka Mileniamu. Mwabona?

276 Sena mwaziba, sikutanta, “mweenze”? Alimwi “mweenze” wakali jisi muli “lyakwe” janza; “muntu,” musinsimi mubeji. Pele nabwiinga wakwe ulategwa mbungano, “muzyazi,” Jezebele. Ahabu; Jezebele. Baa, calo cili londokede buyo mu cintu cili coonse. Mwabona? Mwabona?

277 *Bana basimbi* “mbazyazyi,” abalo, pele teeba katambula bweendelezi bwa muntu omwe; ba Protestanti, kuli ceeco, pele bacili basibwaamu muli koonse, ku njiisyo yabo, kabungwe, ziyanza. Eco buyo. . . Eco mbo caamba.

278 Amuzibe. Ino eci coonse ciboola kunzi? Lino, tu jisi buyo maminiti ali kkumi aabili, kkumi aone awa, Nda yeeyela. Amulange eco coonse nko ciboola. Ino ncinzi? Ci jokela nkoonya ku nzila njo cakacita, a kutalikila ku Julu. Ci boola ku nkondo ya ciindi camamanino.

279 I cintu citaanzi, ku Julu, kwakali nkondo. Lusifa waka tandwa, a kusika aa nyika. Mpawo wa kasofwaazya Edeni; mpawo wali kusofwaazya kuzwida eelyo. Elyo lino, kuzwa ku nkondo yaku Julu, ciboola ku nkondo yaansi; alimwi yeelede kumanizigwa, aa nyika, ku ciindi camamanino, mu nkondo iitegwa Amagedoni. Lino, uli woonse ulizi eco. I nkondo ya katalikila ku Julu, iisalala, elyo aboobo baka mutanda. Mikaya a Baangelo Bakwe bakamugusya mubwendelezi, wa katandwa. Elyo cindi niba kacita, kalokela ansi mu Edeni, alimwi awa bakatalika nkondo ansi awa. Kaswa. . .

280 Leza waka bambide bana Bakwe kaba kwabilidwe koonse ku Ijwi Lyakwe. Elyo Eva waka nongomeka nsingo yakwe, kati, “Nda syoma uli luleme, ndiza.” Elyo mpaawo cakeenda. Elyo cakaba, kuzwida eelyo. Mpawo Leza wakaseluka, elyo lino We elede ku. . . Wa kaseluka kuzo nununa abo bakalinonga basika ansi.

281 Mbuli Mbwe kaamba, Leza uli mbuli muyasi mupati. Ula bikka zibelesyo Zyakwe zyoonse aa nyika, alimwi mpawo Ula yaka mayake Akwe. Lino amuyeeye, kakutanaba kakoto—ka nseke aa nyika kakutanaba zuba lya kasola kuuma aa nyika, mubili wako wakali lede aa nyika, nkaambo uli suko lya nyika. Mwabona? Mbo bedede. Leza Muyasi mupati.

282 Lino, nzila Mbwa kali noyo cicita, nku boola ansi a kujana (mbuli Mbwa kacita Adamu) cikama ciniini ca kkaushiamu, potashi, a mumuni wa kkosimiki, a, “Fyuu!” Kwaamba, “Ngooyo mwana Wangu uumbi.” Mwabona? Mpawo Na kaleta bambi, a, “Fyuu!” “Ngooyo umwi umbi.”

283 Pele ncinzi nca kacita Eva? Waa kasofwaazya nzila eyo. Alimwi waa kacileta kwiinda ku mucito wankwela, mpawo lufu lwa kacuuma.

284 Lino ncinzi Leza nca cita? Walo ujisi mbuto ezyo zinji loko aansi kwiinda awo, ezyo zyakakanzwa; zinji loko, zyakakanzwa. Elyo mpawo, ku ciindi camamanino, Ta kati, “Eva, boola uzyale mwana umbi.” Uyo (“Fyuu!”) ita, nkabela Njo ingula. Kwa mana. Nce ncico. Oyo ngo muzeezo. Cindi omwe oyo wamamanino aku njizigwa, eco ciyo cibamba.

285 Lino, nkondo yaka talikila ku Julu. Iyo manina aa nyika, mu ciimo ca Amagedoni.

286 Lino atu langilile a kucibona ka civunguluka. Alimwi ndiza tula konzya kucibona kacivunguluka. I Mwami atu gwasye ndyoonya lino kucita ceci lino. Amu cilangilile kacivunguluka.

287 I sikutanta wamaseseke, amulangilile eco nca cita lino; “kakazya,” wakaka kweempwa a kujokela ku Ijwi taanzi lya Bulowa. I Ijwi lyakaba Bulowa a mubili. Mwabona? Wa akaka kujokela kuli Ndilyo. Ngu sikulwanakristo! I Nabwiinga wa Ijwi lyakasimpe, ngu ku- . . . ula kazya Nabwiinga wini wa Ijwi. Ula bweza nabwiinga wakwe! Ula kazya oyu Nabwiinga wabwini, awalo. Elyo ula bweza nabwiinga wakwe, aku muleta kuli nguwe, mu ciwa ca bukombi butegwa buzumini bwabukombi a tuyanza twabuzumini. Mwabona? Elyo lino, mukubona Nabwiinga uusalala, ula Mu lwana. Pele ula lipangila nabwiinga wakwe, uutegwa sikulwanakristo, kwiinda kukuyiisya kulwanakristo, oko kwiimpene kuli Kristo. Mwabona obo mbwali mucenjezu? Elyo lino, mu cibaka cakuba a lukamantano lwa luyando, kwendelezya, bukombi kungsi lya Bulowa, walo ujisi kabungwe. Mu cibaka cakuba a Ijwi, wa katola buzumini bwabukombi, tuyanza twa buzumini, azimwi zimbi.

288 Mbuli, aba ba Protestanti baamba kuti, “Buzumini Bwabukombi bwa Baapostolo.” Ndi yanda kuti mujane bbala lya ndilyo mu Bbaibbele. Muapostolo, takukwe Buzumini bwabukombi bwa Baapostolo mu Bbaibbele.

289 Mbuli Mbwa kaamba awa, lino, calino lino, na kumwi. Ikuti na baapostolo baka jisi buzumini bwabukombi, ni Incito 2:38. Mbubonya buyo koonse Nkwe zyi nkwa kajisi lyoonse. Eco ncoba kaitila bantuboonse kucita. Cindi na kajana umwi wabo wakali kuboneka mbuli mbo bakabede Banakristo, wa kati, “Sena mwakatambula Muuya Uusalala kuzwa nomwa ka syoma?”

Kati, “Ta tuzyi naa mpuuli . . .”

Kati, “Mpawo mbobuti mbo mwaka bapatizigwa?”

290 Lino, muku bbizigwa mu Zina lya Jesu, na mu Zina lya Mwami wesu Jesu Kristo, mubwini, kuti, eco cili kabotu, pele eco tacili coonse caco pe. Peepe, munene. Inga wabbizigwa ziindi zili makumi one, mbuli boobo, nkabela taciku gwasyi nokuceya kusikila oyo moyo wacinwa ku Muuya Uusalala. Coonse ceelede kuunka antoomwe. Amuzibe, ngu—ngu Kristo!

291 I sikulwanakristo ulakaka Njiisyo ya Nabwiinga wini, alimwi nkikaako ula bweza nabwiinga wakwe lino a ku muyaka, kungsi lya buzumini bwabukombi bwakwe mwini. Ulabweza nabwiinga wakwe a ku mubamba kabungwe! Ula zyala tubungwe tumbi, mbuli mbo kubalululwa muli aya Magwalo Aasalala; zyala bana basimbi. Elyo ta ci . . . Walo uba mbubonya mbuli banyina, kunyama, wanyika, wakabungwe; kakazya Nabwiinga wakumuuya, Ijwi.

292 Ta baambi kuti taba zulilwi ku mbungano. Amu kaambaule kuli sikabungwe. “Masimpe, Ndi zulilwa ku mbungano.” Sa uli Munakristo? “Ndi zulilwa ku mbungano!” Eco ta caambi cintu comwe cakucita a Ndilyo! Ba lati . . . To zulilwi ku Mbung- . . . To, to zulilwi kuli eyo iitegwa mbungano antela, mwabona, zulilwa ku mbungano. Eyo taili Mbungano. Ayo tali Mabungano. Alo masangabalilo oko bantu nkoba swaangana, a bantu mbuli, “bayuni ba mapepe.”

293 Pele uli biyo Mbungano yomwe, alimwi oyo Mubili wa Kristo wamaseseke. Elyo tou sangani Oyo. Ula zyalwa muli Nguwo.

294 Mbuli Mbwe kaamba lyoonse kuti, Nda kali antomwe a mukwasyi wa Branham kwa myaka ili makumi osanwe ayotatwe, nkabela nseka usangana. Nda kazyalwa muli nguwo. Mwabona?

295 Lino amuzibe. Ca katondezya kabotu loko. Ndi—Ndi jisi ii. . . i Lugwalo lulembedwe awa, pele Ndi. . . ta tujisi ciindi cakucita kuli ndulo; mbuli Esau a Jakobo.

296 Lino, Esau wakali mukombi. Ta kataminina kuba sikutasyoma. Wa kali kusyoma muli Leza nguonya Jakobo ngwa kasyoma, Leza nguonya wisi ngwa kasyoma. Pele wa kali buyo mumpelenge, na mundi jatile bwaambe, buyo. . . Ta ka luzi ncobeni. Wa—Wa kali, lino, kuciimo ca kulilemeka, wa kali ii—ii muntu ulilemeka kabotu loko kwindi Jakobo mbwa kabede. Pele, nywebo mwabona, ta kayeeya. . . “Oh, ncenzi ezyo nguzu zyakuzyalwa nco zijisi kuli Ndilyo?” Elyo wa kasambala nguzu zyakwe zyakuzyalwa kuli Jakobo. Mwabona?

297 Pele, Jakobo, ta kajisi zintu zipati, alimwi mbuli Esau mbwa kajisi. Ta kajisi lukono ndwa kajisi. Pele kwakali cintu comwe Jakobo ncakali kuyanda, zyakali ezyo nguzu zyakuzyalwa. Ta kajisi makani nzila mbwa keelede ku zijana; wa kali kuyo zijana. Elyo Leza waka mulemeka.

298 Elyo, mpawo, nce cintu nciconya asunu, ku muntunsi, mizeezo yakunyama, kuyeeya zyanyika. “Ee, Ndi zulilwa ku mbungano ya cisi. Ndi zulilwa ku mbungano *eyi*. Ndi zulilwa kuli *eyo*.” Eco tacikwe cintu comwe ca kucita a Ndilyo, tacili cintu.

299 Amulangilile, waba bunganya lino mu mbizi yakwe ya mubala uusangene. Uli muku babunganya antoomwe, aa mbizi yakwe iisangene mubala, nkaambo ujisi nguzu zya tunzenyu.

300 Tamu syomi kuti uli jisi? Mbobuti oyo Muleli wacisi mbwa njila buyo lino? Mbobuti mbwa kasola ku sobelela? Uh huh! Kaboolela okuno nkambo ka lwaanguluko lwa bukombi; alimwi nywebo no cikama cabana demokrati nomunga mwasambala nguzu zyanu zyakuzyalwa ku tunzenyu! Ta ndijisi. . . Cipani ca Demokrati cili kabotu; bobilo bali bolede. Nda ambaula makani aa Bunakristo. Pele mula sambala nguzu zyanu zyakuzyalwa, aa tiketi lya demokrati, ku ubikka cintucimwi mbuli ceeco mukati. Mause kuli ndinywe!

301 Sena mula mvwisya kuti eci cisi, mbubonya, cili mu cikozyano ca Israyeli? Ncinzi Israyeli nciya kacita? Ya kaboola okuno ku nyika nyenzu, a kugusya ba sikukkala a kuba mana kubaya, a kunjila a kuvuba nyika. Nce ncico ncotwa kacita; bama India. Abo mbana America beni balikke baliko, mbeenzuma bana India.

302 Elyo mpawo ncinzi ncoba kacita? Irayeli yaka jisi bantu basyoonto balemu. Cintu citaanzi nywebo mulizi. . . Ba kali jisi Davida, alimwi bakali jisi Solomoni. ba kali jisi bantu balemu. Elyo kumalekelo bakabikka bazangi kutala okuya, Ahabu, waka kwata Jezebele, sukutasyoma.

303 Ee, eco ncintu nciconya nco twa kacita. Wa kali jisi Washington Lincoln, pele amulange nco tu jisi lino. Alimwi cintu ncoonya ca ncico, cakuti, uli kwete, awa kaputilwa a kupendulwa kuli Jezebele. Inga kali musyobo mubotu loko wa mulombwana, pele walo uyo eneleezya mulimo. Elyo mula cibona ndyoonya lino, mukwasyi oonse kau njila.

304 Ncinzi Muuya Uusalala ncowa kandaambila, kutandila myaka ili makumi otatwe yainda? Elyo nywebo nobakaindi muli cizi, ca zintu zili ciloba zyakali kweelede kucitika kacitana cita. Elyo eci ncamamanino, citobela ku cintu camamanino, ciboola. Zintuzyonse zimbi zyakauma mpoonya aeleda, ku lumamba a zintuzyonse zimbi. Mwabona? Elyo lino uli moonya mu maanza, mwanakazi, ku keendelezya cisi. Jezebele! Mwabona?

305 Pele, amuyeeeye, mu mazuba a Jezebele, umwi waka baambila ncobeni bube bwabo bwini. Mwabona?

306 I kubunganya, aa mbizi zyabo zya mubala uusangene. Elyo, mwabona, uli muku bunganya cintu eci antoomwe, cisangene buzumini bwabukombi, kabungwe, njiisyo zyakapangwa aamuntu. Sa mbo mbubo? [Mbunga yaamba, "Ameni."—Mul.] Masimpe, mubala uusangene, mubala uusangene wa bafu, mbizi isiyasiya ya inyika! Lino, mbo mbubo. Mibala iisangene ya bafu, ciwa canyika ca mbizi isiyasiya, oh, ma, taakwe Bulowa busalala bwa Ijwi, pee!

307 Elyo amulangilile. Kuzwa ku kkona. . . "Kuzwa ku makkona one aa nyika, baka babunganya; kubabunga kuya ku Amagedoni," Bbaibbele lya kaamba. Ndi sola kuyeeya Magwalo, mbuli Mbwe alembede awa. Nsya iti pe; pele awo biyo

mbalembedwe, mubone mbwa bede. “Kubabunganya antoomwe, ku buzuba bupati bwa nkondo ya Mwami Leza.” Amulangilile. Lino, ali eyi mbizi, yanyika, isangene mibala, isiyasiya isesemya, amwi yeeye buyo; nywebo mulizi, eco ncintu cibyaabi. Lino amulangilile awo mpaba bunganya, “Kuzwa ku makkona one aa nyika.” Bali mukubungana lino ku kazekelo. I kazekelo kayo beda ku “Amagedoni,” kweendelana ku Ijwi. Mwabona?

³⁰⁸ Aa mbizi isiyasiya, kai tantide, a “Lufu” libikkidwe, na, antomwe a zina libikkidwe ali nguwe, “Lufu,” sikulwanakristo! Amuswiilile. Sikulwanakristo, kabungwe katanzi (eco tacikwe bukazye); a Jezebele wakwe, a sibwaamu ku Ijwi. a bana bakwe basimbi, a nguwe, ba Protestanti; kabali bunganya antoomwe lino mu lukamantano!

³⁰⁹ Sena mwakamvwa bantu ba Baptisti kabamba buzuba bumwi okuno, nywebo mulizi? Huh? “Oh, ta tuka beleki ambabo, pele tuyo—tuyo ba balongwe a kubaanga cintu ambabo. Ta tuka sangani mbungano yabo, pele. . .” Mbaabo we. Mbaabo we, mbubonya buyo eco Ijwi ncolya kaamba. Mwabona? Mwabona? Sibwaamu wakale, mu busena butaanzi, mwabona.

³¹⁰ Lino mbaaba we, kabali sanganya antoomwe, kuboola ku kazekelo ako, ku Amagedoni, alimwi kaba tantide aa mbizi ya mubala uusangene; a mbizi yomwe iituba, mbizi yomwe iisubila, mbizi yomwe iisiya. I zyotatwe, zyaandene: nguuzu zyatunzenyu—zyatunzenyu, nguzu zyakumuuya, zyeendelezegwa aa nguzu zyamadaimona, uli ngu sikulwanakristo. Kusanganya eco kumaninina, nkabela mwajana kusiyaasiya, cintu cilibonya kusesemya ka citantide. Nconzyo. Lino amubone. Amulange eyo nja tantide, eyi iboneka kusiyaasiya, mbizi ya mubala utubuluka, uusangene a kusiya, kusubila, a kutuba; kaboola ku nkondo, kabunganya balelwa bakwe kuzwa mu masi onse ali kungsi e Julu! Sa Daniele taka pandulula ciloto, a kubona eyo impa ya butale kanjila mu bwami boonse, ya Rome? Mbaaba basika, kababungana.

Lino amu kkalikile ku kujala, aniini buyo, akuswiilila kabotu.

³¹¹ bali mukubunga mukati lino ku kucicita, kuleta balelwa bakwe kuzwa ku makkona one aa nyika; katantide mbizi, iisangene, mibala yotatwe, iisesemya isiyasiya. Muntu nguonya!

³¹² Lino, mu Ciyubunuzyo 19, kutali biyi kuti uli mukulibambaila, pele Kristo uli mukulibamila ku muswaana. I nkondo iyo pya a kulema. Kristo, mu Ciyubunuzyo 19. Kristo ubunganya Bakwe, kutali kuzwa ku makkona one aa nyika, nkaambo kuyooba musyaalizi muniini. Ino Ucita nzi? Walo ubabunganya kuzwa ku makkona one aaku Julu. Tula banjila, “myuuya kungsi lya cipaililo,” juunza masiku, nkabela muyo bona naa cili luleme na pe. Makkona one aku Julu; aa mbizi iituba buu!

313 Uli jisi Zina awalo, kutali lufu, pele, “I Ijwi lya Leza,” Buumi. Ameni. Lili jisi kailembedwe mpoonya aa cibelo Cakwe awa, “I Ijwi lya Leza.” Obo mbo Buumi bulikke, nkaambo Leza ngo kasensa kalikke ka Buumi Butamani kaliko. Zoe! Mbo mbubona? [Mbunga yaamba, “Ameni.”—Mul.]

314 Elyo Uli lembedwe, “Buumi,” katantide aa mbizi iituba; nkabela ngooyu muntu a inguzu zyoatatwe zyandeene zisangene, zitegwa “Lufu.” Kabunganya baiminzi bakwe baangidwe kunyika; a Kristo ubunganya balelea Bakwe bakzyalwa ku Julu, basalali. Walo ujisi “Lufu” lulembedwe ali nguwe; Kristo ujisi “Buumi” bulembedwe ali Nguwe.

315 Abo bali a Nguwe batantide mabbiza aatuba, abalo, nkabela bala tegwa, “I basale kuzwa ku malengelo aa inyika.” Ameni! Elyo bala syomeka ku Ijwi. Ameni! Fyuu! Nda cibotelwa eco. “Bategwa, basale, kuzwa ku malengelo aa inyika.” Elyo mpawo, basyomeka ku Ijwi, kwiinda kukusala kwabo, boonse baka bukulusigwa a waini mupya a Mafuta, kweenzya buyo kabotu munzila, kabaselemuka kuyo muswaana. Ba lizi kuti Mizuzumo iyo leta cintu kuli ndiswe, calino kapati. Mwabona?

316 Amulangilile. Mbobuti mbwa cicita? Aboobo, ikuti na Walo ndi Ijwi, a Zina Lyakwe ndi Ijwi, mpawo Ijwi Mbuumi. I sikulwanakristo; kufumbwa cintu *cilwana* ci “lalwisya,” aboobo *cilwana* ci “lalwisya” Kristo, Ijwi. Aboobo, ceelede kuba buzumini bwabukombi, na kabungwe, kali kaalwana Ijwi.

317 Baa, Nse boni mbo muyo ciimpya. Ikuti na mwa—mwa cimvwisya, mbobuti mbo mukonzya ku ciimpya? Ta ndizi mbo muyo cita.

318 Nkabela obo mbwini. *Cilwana* ci “lalwisya.” Sa tacili kabotu? “Ku gwisya.” Obo mbwa kabede. Walo weenzya mbizi yakwe iisangene. Twa cibona mpoonya awa mu Ijwi lya Leza.

319 Twa kacibona mpoonya alya mu makkalo aa mbungano ali ciloba. Mpaawa Wa cijosya mooonya mu Zinamatizyo, kujula a kutondezya zintu zyaka zumanana, kungsi lya makkalo aa mbungano.

320 *Cilwana* ci “lalwisya” Ijwi. Mwabona kaambo, buzumini bwabukombi, nkaambonzi nco tu lwana maningi buzumini bwabukombi a tubungwe? Nkaambo balwana Ijwi. Mwabona?

321 Mpaawa tu bona Buumi a lufu kaziboola ku kupengaana kwa mamanino. I mbizi iituba, ya Buumi bwini; mbizi isiyasiya, yaka sangana buzumini bwabukombi. Bala bona cintu kaciboola ku i—ku kazekelo keni.

322 Lino Ndi yanda kwaamba cintucimwi awa. Inga tee mwa cisyoma eci. Pele Nda cilingula, ku kuba masimpe. Kuli mubala omwe biyo mutaanzi, nkabela oyo ulatuba. Mbangaye bazi boobo? Kuli mubala omwe biyo mutaanzi. Kufumbwa umbi, waka sanganisigwa.

323 Kristo ula Ijwi lisalala, lituba buu, kuzwa ku matalikilo. Ameni! Ameni! Mubala woonse inga watuba ikuti na bupange bumwi nibwa takapasaula muli nguwo. Ameni! Bulemu! Mbungano yoonse inga noiimvwi aa Njiisyo ya baapostolo iya Ijwi lya Leza, nkabela Leza Kai simpikizya, ikuti na takajisi buzumini bwabukombi na tubungwe kusangana muli Ndilyo. Mpaawo we.

Oh, Mukwesu Evans, Nda limvwa kabotu ndyoonya lino! Iiyi, munene. Iiyi, munene.

324 Mubala omwe biyo mutaanzi, oyo ulatuba. Tii wa—tii wa kasangene a tubungwe na buzumini bwabukombi. Peepe, munene.

325 Elyo, amuyeye, basalali Bakwe basamide zikobela zituba, zita sangene a kabungwe a buzumini bwabukombi. Lino tu jana kuti, buzumini bwabukombi ibwakabungwe, mpaawa mpo mujana mubala wanu uusangene. Pele oyu mubala mutaanzi Ngwa tantide. I mubala mutaanzi ulaa bantu Bakwe. Elyo baka nikwa mu Bulowa, obo bwakasalazya cisani eco, aku citumina kulaale. Mwabona? Mbo mbubo.

Abo basangene, basanduka kusiyasiya a kuunka ku lufu.

326 Nku sandula, lusandulo, kusanganya mibala antomwe autuba; musandula mubala mutaanzi. Mbombubo na? Ikuti na mubala mutaanzi, mubala ulikke, ula tuba, nkabela wasanganya cintucimwi muli nguwo, usandula kaambo keni ka nguwo. Ameni. Sa mbo mbubo?

327 Elyo, cindi, ikuti na Ni mbizi iituba, alimwi Walo ndi Ijwi; mpawo, kusanganya cimwi a Ndilyo, musyobo umwi wa buzumini bwabukombi, kuyungizya ijwi lyomwe kuli Ndilyo, kugusya Ijwi lyomwe kuzwa kuli Ndilyo, nkusandula cintu coonse. Oh, ma! Ndibambe antomwe a Ijwi, Mwami!

328 Bwini a bulubizi! Oh, ma! Takukwe makani eco mbo cili cibotu cili... Bwini a bulubizi tazikonzyi kusangana. Ta zikonzyi kusangana. Nkwa kuti nanka MBUBOBU MBWAAMBA I MWAMI na cili lubide. Takukwe makani eco taata uusalala mbwa kacaamba, Musalali Bonifer, na—na achibishopo waku Canterbury; Nse muzi wa kacaamba. Ikuti na ciliimpene ku Ijwi, ndu sandulo. Ta zikasangani. Kwaamba, “Baa, oyu mulombwana wakacita...” Ta ndikwe makani eco nca kacita, obo kunji mbwa salala, na kufumbwa cintu mbuli ceeco. *Obu* Mbwini biyo butonkomene mbo tujisi. Taakwe mbungano, taakwe buzumini bwabukombi, buta jisi Bwini, ikuti bulaanze lya *Obu*.

329 Elyo amundi tondezeye yomwe Uli jisi. Buyo, Ndi yanda kuti mu ndaambile. Njo vununa peeji mu Bbaibbele, a kumu tondezeye cintucimwi. Mwabona? Amwambe yomwe buyo. Nywebo mwati, “Pentekoste.” Oh, ma! Nda zwaa kujata muzeezo oyo kuzwa ku muntuumwi alya. Nke kaambo Nda amba ceeco. Ncibotu

kucisiya cilikke, ndyoonya lino, nkaambo Nda bona eco catalika mbata ya cilonda mpoonya alya. Tii ndali—ndali kuyanda ku mucisa, pele Ndali—Ndali kuyanda buyo kuti muzibe kuteeti Ndi lizi nco mwali kuyeeya. Mwabona?

³³⁰ Abo basangene, bakasanduka (i balwana) ku lufu. Ba sanduka kuba mubala wa lufu, cindi mwa sanganya musyobo umwi wa cili coonse ku citaanzi.

³³¹ Cili mbuli Kristo na kaamba makani aa mbuto ya musitada. Nekubakuti, ni nsyoonto maningi ku imbuto zyoonse, pele taika sangani a cintu. Musitada tau kasangani. Walo musitada wini. Aboobo ikuti na ujisi lusyomo olo lunji, jatilila buyo kuli ndulo.

³³² Amubone. Buumi bwakatobela, sikutanta aa mbizi iituba, Oyo wakali Ijwi, Buumi, kasimpikizigwa ku basalali Bakwe bakabuka abo Mba kali a Nguwe. Lino mbobuti nkondo mboiya kweenda?

³³³ Jesu wakati, “Oyo uusyoma muli Ndime, nekubakuti wa kali fwide, kwalo uyo pona.” Wa kati, “Ikuti wa syoma muli Ndime, nekubakuti wa—wa kali fwide, kwalo uyo pona. Elyo kufumbwa muntu uupona a kusyoma muli Ndime ta kafwi.” Alubo, Wa kati, “Oyo uusyoma muli Ndime . . . Uyo mupa Buumi Butamani, uya kumubusya ku mazuba aakumamanino.” Olo Ndugwalo Lwakwe lya cisyomezyo.

³³⁴ Ngooyu Saatani wasika, a makkona oonse one a nyika, aba Protestanti bakwe aba Katolika bakwe—bakwe, a boonse antoomwe, kaba maccing’a ncobeni kuya ku Nkondo ya Amagedoni. Yaa.

³³⁵ Elyo ngooyu Jesu wasika, kaseluka kuzwa ku Julu, a basalali bakwe bakabuka, Ijwi lya kasimpikizigwa.

³³⁶ Nda kati, ikuti na Leza waamba, na ku kutuma, Uli . . . Ula—Ula iminina eco ncowamba. Mwabona? Amubone, ikuti uli mwiiminizi uuzwa ku Julu, Julu lyoonse lila kwiiminina. Alimwi Julu lijisi Ijwi. Uh huh.

³³⁷ Amubone, lino, Wa boola a basalali bakabuka, kasimpikizya Ijwi Lyakwe kuti ndya bwini.

³³⁸ Aboobo Saatani ulizi, mpawo, malindi aatagoli abambidwe kale kuli nguwe. Mwabona? Oh, ma! Kuciindi, lufu lwa keenzya mbizi isiyasiya, isangene buzumini bwabukombi a tubungwe, a kumu tobela, oh, ma, ku kwandaanisigwa Kutamani kuzwa kuli Leza. Oko nkwa beenzezya, ku kwandaanisigwa Kutamani.

Kristo wa keenzya Mbungano Yakwe kuya mu Bulemu, mu bubuke.

³³⁹ Amubone kampango 8 lino, mpoonya buyo . . . cibeela camamanino ca kampango 8, kucindi notu jala, mwabona.

. . . nguzu zyaka pegwa kuli mbabo . . .

340 Ino mbaani “aba”? Mwabona? Yaa. Sikulwanakristo, uutegwa “Lufu.” “Gehena ilamutobela.” Amulangilile kooze kakwe ka mbaakani zyone.

341 Sikulwanakristo, mbizi iituba; ulajaya kubelesya muuya, mukuba sikulwanakristo; kujaya kwakumuuya.

342 Lwabili, mbizi iisubila; ilajaya kubelesya cceba; nguzu zya tunzenyu, cindi mbungano a cisi nizya kaswaangana.

343 Mbizi iisiya; myuuya, cindi na vozya njiisyo yakwe, nkabela waa kacicita a bwaamu bwakwe. Elyo uleeleka zyakulya zyakwe, ku ii. . . sambala zyakwe. . . eco nzyo bapa kuli zyakulya, ku ceelekelo, a makkobili, azimwi zimbi.

344 Yane, mbizi isiyasiya; kwandaanisigwa Kutamani kuzwa kuli Leza. Alubo, yane, mwabona. Oh, ma!

Alumbwe Leza!

345 Lino, kumamanino, awa mu kujala. Kuli baabo. . . Sena muli jisi. . . Nda indilizya ku ciindi, pele sa mula ndipa maminiti ambi atandila ku kkumi? [Mbunga yaamba, “Ameni.”—Mul.] Ndi jisi kwitwa kunji maningi, sunu, kujatikizya—kujatikizya ndime kukanana awa.

346 Kwakali kwiindilizya kunji maningi kwa katalika, kujatikizya Eliya, kusikila eco buyo. . . Ca—ca umputwa ku lufu. Elyo mula konzya. . . Ee, lekela buyo. . . Buyo ndiza Leza ulandi gwasya ku mugwasya kubona eco Nce langide. Sa mula cita? Atu sole buyo, kubona.

347 Lino nceeci, mu kujala, kuli baabo batasyomi kuti mutumwa wamamanino ku bukkalo bwa mbungano ngu Eliya i musinsimi, muntu uunanikidwe mu nzila eyo.

348 Kwiinde lufu. . . Amulangilile. Kwiinde lufu, lwa bukkalo obu bwa mbungano yamamanino. . . Lino, amubone eco caka citika, mwabona. Kwiinde lufu, mibili yabo yakafwa yaka nyonyoonwa ku banyama bamusokwe. Nywebo mulizi obo. Lino, obo mbwini. Mbuli yabo, yaka jisi cikozyano ca Jezebele.

349 Lino kuvununa ku Ciyubunuzyo 2:18 a 20. Nda syoma twa jata eco maminiti buyo masyoonto aida. Sa tii twacita? Inzya, Nda syoma twa zwaa kujata eco. Ndali cilembede awa ku bumwi. . . Iiyi. I ciindi cakunyongana kulilemeka, mbo cakabede. Mwabona mbo cakabede, nzila Jezebele mbwa kanjila. Lino, Jezebele walo mabungano, mbungano eyi yasunu; kutali Nabwiinga, lino. Jezebele, mu Cizuminano Cakale, ncikozyanyo ca mbungano sunu, kweendelana ku Ijwi lya Leza, lya Ciyubunuzyo 2:18, 20.

. . . yebo walekela oyo mwanakazi Jezebele, oyo uliita lwakwe kuti musinsimi mukazi, . . .

350 Mwabona? Sa mbo mbubo? [Mbunga yaamba, “Ameni.”—Mul.] Lino, cila kozyanisigwa kabotu kuli Jezebele. Lino, lutaanzi. . .

351 Inga twa mupa Lugwalo kuzwa Lugwalo, mwabona, kuteti bukkalo bwamamanino wakali Mulumbe wabusinsimi ku Mbungano, kubaita kujokela ku Ijwi ntaanzi. Lino amubone. Sa mbo mbubo? [Mbunga yaamba, “Ameni.”—Mul.] Malaki 4 wakaamba boobo, abamwi, Ciyubunuzyo 10:7, a kuyaansi. Mwabona? Jesu Mwini waka caamba kumbele, ansi, ansi, ansi. “Mbuli mbo kwakabede ku mazuba aa Lota,” abumwi mbuli boobo, a kuyaansi. Cila kuzumanana buyo kuyaansi.

352 Jezebele ncikozyanyo ca mbungano yabusyaasunu kuciindi ecino nkaambo Katolika a Protestanti baswaangana antoomwe lino. Taakwa—taakwe ku ceenguluka. Bobilo ntubungwe, aboobo mbanyina a mucizi buyo—buyo, kwa mana. Bala kwankana aku kazyanya umwi aumwi, pele balo ncitu comwe, basibwaamu bobilo. Lino, Nsya ambi ceci ndemwini. Ndi balulula kuzwa kuli MBUBOBU MBWAAMBA I MWAMI. Mwabona? Yaa.

353 Lino tula bona, kajaigwa kwiinda ku kulaililwa kwa Leza, wakali Jezebele, waka jaigwa nkaambo Leza waka citya Jehu kuselemukila okuya a kumu sowa kwiinda mu mpulungwido, a kujaya Jezebele. Elyo babwa bakalya mubili wakwe, (sa mbo mbubo?) Jezebele wini. [Mbunga yaamba, “Ameni.”—Mul.] Ahabu, mwaami wakwe, mutwe; babwa baka ntwakizya bulowa bwakwe, mbuli Eliya mutaanzi mbwa kaamba kumbele. Mwabona oko nko tuya, mwa cita?

354 Nkaambonzi? I Eliya mutaanzi waakakwa ku bantu, ku mabungano. Alimwi Jezebele a Ahabu bakali beendelezi ba mabungano, mbungano a cisi, boonse antoomwe. Alimwi Elisha waka yubununa zibi zya Ahabu kuli nguwe, a kulailila mbungano yoonse kucebukila Ijwi lyabwini.

355 Ikuti na tacili mbubonya eco Eliya wabili ncelede kucita cindi akuboola ku mbungano eyi mu buzuba obuno, “kuboozezya Lusyomo lutaanzi”! Ta ndiboni mbo muyo lisanikizya kuzwa kuli Ndilyo. Mbo mbubo. Ku cebukila ku Ijwi lyabwini! Mbo mbubo.

356 Lino ikuti na muyanda kubona mibili yabo, atu jule awa ku Ciyubunuzyo 19, Ijwi nilya kamana—kamana kuba jaya. Lino, Ijwi liyo bajaya. Nywebo mulizi obo. Yaa. Lino amulangilile buyo a kubona eco cicitika cindi Kuboola kwa Kristo, mu Ciyubunuzyo 19, kutalikila kampango ka 17.

Elyo Nda kabona angelo kaimvwi mu zuba; . . .

357 Lino, mbo mbubo kumane, langa atala awa, “Elyo cikobela Cakwe caka nikidwe mu bulowa. Elyo Ula tegwa MWAAMI WA MWAAMI, A MWAMI WA MWAMI.” Mu kampango 13, “Ula tegwa Ijwi lya Leza.” Mwabona? Lino, ngooyu Mbwa bedede, “MWAAMI WA MWAAMI, A MWAMI WA BAMI.”

Elyo Nda kabona angelo . . .

358 Lino amulangilile. Wa unka kunembo.

Elyo kuzwa ku mulomo wakwe ndi cceba libosya, cakuti andilyo we elede kuuma masi: . . .

359 “Kuzwa ku mulomo Wakwe,” mbuli kuzwa ku mulomo wa Leza kuya ku mulomo wa Musa. Mwabona?

. . . alimwi uyo elela kubelesya musako wa butale: alimwi. . . kulyataula i mwaku sinina waini—kusinwa kwa nguzu a i bukali bwa Leza Singuzuzyonse.

Elyo uli jisi aa cikobela cakwe ii zina. . . aa cibelo cakwe ii zina lilembedwe, MWAAMI WA MWAAMI, A MWAMI WA BAMI.

Elyo Nda kabona angelo. . .

360 Lino amulangilile. Lino Ula yutuka, kauma. Nguni Ngwa uma? Jezebele a Ahabu wakwe, musinsimi mubeji.

Elyo Nda kabona angelo kaimvwi mu zuba; elyo wa kalila a jwi pati, kaambila bayuni boonse i ba muluwo akati ka julu, Amuboole muli bunganye nobeni antoomwe ku cilalilo ca Leza mupati;

361 Ula basanizya ku banyama a bayuni. Lino amulangilile awa mu capita awa, ya Bbuku Iya Ciyubunuzyo. Alimwi, aniini buyo, “Kujaya a cceba, a lufu, banyama ba nyika.” Mwabona? I mbungano ya Jezebele, mubili (wini) wakwe, weelede kuyo ligwa bayuni a banyama baa nyika. Mbubonya buyo mbuli Ahabu a Jezebele mbo bakabede, kunyama, mbubonya mbo beelede kuba, mu ciimo cakumuuya, mbungano. Sena mwabona eco nce Ndi pandulula? [Mbunga yaamba, “Ameni.”—Mul.] Ncibotu.

362 Zya Eliya. . . Oh! Eliya wakali musinsimi mu mazuba aa Ahabu a Jezebele, kunyama. Elyo wa kasyomezya kucita cintu nciconya, kweendelana kuli MBUBOBU MBWAAMBA I MWAMI, mu Ijwi, kuli Jezebele, kumuuya; ciimo cakwe ca Muuya ca mulimo.

363 Amulangilile. Eliya, nokuba, mu buzuba bwakwe, kuti wakasimpikizigwa kabotu a canguzu kapati, ta kakonzya kubajosya ku Ijwi. Sa mbo mbubo? Nekuba, Eliya wakasola, a zintuzyonse. Wa kacita zintuzyonse. Wa—wa kaba tondezya zitondezya a zigambyo; nkabela baka seka mu busyu bwakwe. Cintu nciconya neo bayo cita a cakumuuya awa, mwabona. Ta kakonzya kubajosya ku Ijwi. Kuzwa ku mamiloni. . .

364 Lino swiilila, mbungano, kabotu lino, yebo onyongene aniini aali ceeci.

365 Kuzwa mu mamiloni mu inyika, mu mazuba aa Eliya, cindi Jezebele a Ahabu nibakali kulela, mu—mu cikozyanyo ca cintu cini casunu; kuzwa mu inyika yoonse, kwakali biyo bali myaanda

ili ciloba baka futulwa, ku kukambauka kwa Eliya. Sa mbo mbubo? Obo mbombubo.

³⁶⁶ Amulange, Eliya takazi awalo umwi wabo wakali munzila eyo. Wa kayeeya kuti wakali alikke biyo waka futulwa, kusikila Leza naka jula cimwi ca Zinamatizyo a ku mutondezya maseseke mu Bbuku, akuti Wa ka jisi bali myaanda ili ciloba ya baabo bata kotamina ku buzumini bwabukombi obo mbo baka jisi. Cindi Leza naka jula Bbuku Lyakwe kuli Eliya, kati, “Lino lindila aniini, mulombe. Ndi jisi bali myaanda ili ciloba abo basisidwe koonse, kubusena okuya, abo bajisi mazina abo mu Bbuku kuzwa ku malengelo aa inyika. Mbi Bangu.” Fyuu! Leza wakajula Zinamatizyo.

³⁶⁷ Ako nke kaambo Nce yeeya kuti Johane wakali koongolola maningi busiku bumwi. Kweelede kuti wa kabona zina lyakwe Omuya, nywebo mwabona. Mwabona?

Buzuba bumwi Leza wakajula . . .

³⁶⁸ Elisha, wa kakambauka. Wa kacita zintuzyonse, alimwi—alimwi—alimwi kakambauka kuzwa ku moyo wakwe. Wa kacita zintuzyonse nzya kakonzya, elyo nekubaboobo baka “munyontaukila” walo, ka mwita zintuzyonse, a kuti, “Nduwe wacitya zyoonse ezi. Uli simizimo. Nduwe ucitya mapenzi ayo oonse kuti asike. Ula mulandu,” alimwi zintuzyonse mbuli ezyo. Wa kaamba zintuzyonse kuli nguwe. Jezebele waka mukonga kugonka mutwe wakwe, a zintuzyonse zimbi. Mbo mbubo. Bantubonse bakali kumu lwana.

³⁶⁹ Elyo mpawo wa kati, “Mwami, Ne kamana kucita ceeco, koonse Nko kandaambila kucita! Nda kakkala ncobeni a Ijwi Lyako. Cindi Noka ndaambila cintu cili coonse, Nda kali aa camba. Nda keenda nkoonya ku busyu bwa mwaami, a zintuzyonse zimbi, a ku baambila, ‘MBUBOOBU MBWAAMBA I MWAMI.’ Elyo Tona ndaambila cintu, nkabela Nsena baambila cintu comwe, pele eco caka citika. Elyo lino Ndili waano, omwe biyo uusyede, kuzwa mu cikama coonse. Ndime omwe biyo uusyede, alimwi basola kundi jaya.”

³⁷⁰ Leza wakati, “Nda jula cimwi ca Zinamatizyo a kukutondezya cintucimwi.” Wa kati, “Yebo ulizi, Ndi jisi bali myaanda ili ciloba kusule okuya, abo batana fugama mazwi ku . . . batana kusangana bumwi buzumini wabo bwabukombi, tubungwe. Kuli bali myaanda ili ciloba wambabo bali bambilide ku Kukwempwa, wabona.” Oh! Oh! Wa kati ku musinsimi Wakwe, oyo Ngwa yubunwida Ijwi Lyakwe, mwabona, kwiinda ku Lugwalo. “Ndi cijisi mazina abambidwe ali myaanda ili ciloba, kuzwa mu nzyalani eyi; myaanda ili ciloba yabo. Ta bana fugama mazwi abo kuli cimwi” (ikuti na inga Nda caamba mu buzuba obuno) “tubunga twabukombi, a kusika kubambwa kansiyansiya, muli mbabo.”

371 Sa mwabona Nce pandulula? Mpawo, ceelede kuba buyo. Ceelede kuba ncobeni. Alimwi cilendelana ku Ijwi. Cindi muntu asika aa cilao, uyooba musinsimi. Camasimpe buyo mbuli mbo Ndi imvwi mu cikambaukilo eci. Mwabona? Elyo uyo kkala ncobeni a Ijwi elyo. Ta kalibombyi ku buzumini bumwi bwa muntu na cintu cimbi. Mbo mbubo. Uyo oba musyobo wa sigani wa mulombwana, mbuli Elisha mbwa kabede, walo... alimwi mbuli Johane mbwa kasika. Uyo—uyo sulaika banakazi, (mulombe!) banakazi baamu! Fyuu! Mulombe, Uyo ccovwaila muli mbabo! Eliya wakacita, alimwi mbubonya Johane mbwa kacita. Mwabona? Mwabona? Elyo uyo lulama ncobeni a Ijwi eelyo. Uyo ba—ba uulwana tubunga. Kabunga? “Muta yeeyi mu myoyo yanu kuti, ‘Tuli jisi Abrahamu taatesu,’ nkambo Nda amba kuti Leza ulakonzya kubusya mabwe aya kuba bana ba Abrahamu.” Mwabona? Masimpe wakacita.

372 Lino, mpaawo we, beenzuma. Nceeci Cinamatizyo Cane, cajulwa. Elyo basikutanta ba mbizi zyone bayubununwa, ku luzibo lwangu lubotu. Lino, oku nkukoonse kwa kacitika aa nyika.

373 Citobela Cinamatizyo, tula bona, cili ku Julu, oko myuuya nkoili kungsi lya cipaililo.

374 Lino, mu kujala buyo, Ndi yanda kwaamba aya musyoonto...majwi buyo masyoonto, mpoonya awa, Nge lembede awa. Twa sotoka kutandila, ali zeezyi Zinamatizyo zyone, Zinamatizyo zyone zitaanzi.

375 Lino, juunza masiku, twa—twa cinca cilao, kuzwa ku zintu zya nyika kuyabuya. Ula sondela awa a kubona myuuya kungsi lya cipaililo, bakalituula, cipaililo.

I masiku atobela, lubeta lwauma.

376 Elyo busiku bwane, na busiku bwamamanino, busiku bwa Munsondo, Ta ndizi cintu. Ta ndizi zintu ezi zimwi nco zyaamba. Nda kazibala buyo, mbuli mbo mwakacita. Pele, “Kwakali lumuno kwa cisela ca oora,” pele kuli cintucimwi cakacitika. Ndila Mu langila kuyo Ci yubununa. Uyo cicita. Ndili kkutilide kuti Uyo cita.

377 Twa kacita kuunka, ku masena aindene a Lugwalo, kusika ku Ciyubunuzyo 19, kutondezya Kuboola kwa Kristo kuti uyo jaya sikulwanakristo. Ako nke kaambo Nce kasiila otu, kubweza buyo tumpango tobile. Nda kacita kuunka ku zibeela zyandeene zya Magwalo, ku kutondezya zintu ezi. Aboobo nke kaambo Nda kainka ku Ciyubunuzyo 19, ku kutondezya mamanino a sikulwanakristo, kuti uyo jaigwa; kuli Kristo, cindi Aku boola, Uyo jaya sikulwanakristo.

378 Ku Ciyubunuzyo 10, ku kutondezya kuti Mulumbe wa angelo waciloba uyooba muntu, mu mazuba aya aakumamanino, wakananikwa a Leza ku mulimo mbubonya buyo Eliya musinsimi ngwa kajisi, mbuli mbo kwakaambwa kumbele muli

Malaki 4, ku kuyubununa Ijwi lyabwini lya (litaanzi) Leza mu nzyalani eyi, Ijwi litaanzi lya Leza mu nzyalani eyi. Mbuli mbwa kacita kuli Jezebele wakunyama, aboobo oyu muntu uyo cicita kuli Jezebele wakumuuya, mabungano aatubungwe. Nda kacita kuunka ku cipati ca 7 . . . cipati 10, tumpango 1 kusikaku 7, kutondezya kuti cakali luleme. Elyo okuya kuli Malaki, a Amosi, abamwi bambi, kutondezya ceeco.

³⁷⁹ Eliya wakali musinsimi oyo wakasinsima a kutapatila Jezebele, mu nzyalani eyo igaminina.

³⁸⁰ Elyo Eliya takafwa pe. Nincobeni ta kacita. Wa kalibonya alubo, myaka ili myaanda ililusele nikwa kamana, kumbali lya Jesu Kristo, aa Cilundu Cakusanduka. Ta fwide.

³⁸¹ Lino, tu jana kuti oyo Muuya wakwe weelede kunanika muntu, kweendelana ku cisyomezyo ca Leza, mu mazuba aakumamanino; kasyomezya kucita nciconya muli Jezebele wakumuuya, mbuli mbwa kacita muli Jezebele wakunyama, mu bukkalo bwamamanino.

³⁸² Ako nkekaambo Nda—Nda kaunka maningi mu Bbaibbele, ku kuczibya, kutegwa cita kasiigwi a mubuzyo mu mizeezo yanu. Ikuti na kuli uliko, amundi zibye. Ee, mundi lembele lugwalo na kapepa kaniini.

³⁸³ Alimwi cila njila kabotu loko, akwalo ku banyama kaba nyonyoona mibili yabo yakunyama mu buzuba bwamamanino, kuba syukuta mbuli mbo bakacita kaindi.

³⁸⁴ Ku bubotu bwa ciyubunuzyo cangu, eco caka pegwa kuli ndime kwiinda kuli Leza a kwaambwa kumbele kuti ciyo citwa, obu Mbwini ba basikutanta bone ba mbizi, ku bubotu Nkwe zyi.

³⁸⁵ Ino muyeeya nzi kujatikizya Jesu? [Mbunga yakondwa—Mul.]

Nda Mu yanda, Nda Mu yanda
Nkaambo Wa kasaanguna kundi yanda
A kuula lufutuko lwangu
Aa cisamu ca Kalivari.

³⁸⁶ Lino amuyeeye, kakutakwe . . . (Nce ncico; amu zumanane; eco ncibotu.) Kakutakwe kulimvwa kubi ku muntu umwi mu kabunga kamwi! Nkaambo, Leza uli jisi bana mu ciyanza ca Katolika. Uli jisi bana mu ciyanza ca Methodisti. Uli jisi bana mu ciyanza ca Baptisti. Mbangaye ba baabo, zyoonse ezyo ziyanza zyandeene, zyaimininwa okuno sunumasiku, abo ba kazwa cindi nimwa kabona Mumuni? Atu bone maanza anu. [Mbunga yaamba, “Ameni.”—Mul.] Lino, amuyeeye, kuli bantu kumasena okuya bali mbuli ndinywe. Pele calo nciyanza cijaya, mwabona. Walo muuya uulwanakristo kumalekelo ayo oyo uba bikka ku busena kusikila bakakilwa kumvwa Bwini.

³⁸⁷ Elyo amuyeeye busiku bwainda, cindi Ne kainda mu kunamatikwa? Ikuti na muntu wakamvwa lwiito lwa jubbili,

nkabela waakaka kwaangululwa, wa katolwa ku cikunguzyo nkabela kadenkozyo kakabikka mpa mu kutwi kwakwe. Kutwi nkooko nkomvwida. “Elyo lusyomo lulaboola kwiinda ku kumvwa.” Mpawo ikuti na wa Umvwa, a kukaka kuzumina lwaanguluko lwakwe, mpawo wa...weelede kubelekela simalela wakwe wakabungwe boonse buumi bwakwe. Ameni.

³⁸⁸ Oh! Oh, ma! Sena Tali mubotuloko? [Mbunga yaamba, “Ameni.”—Mul.]

Nda Mu yanda, Nda . . .

Atu tambike buyo maanza esu a ku Mu komba.

Nkaambo Wa kasaanguna kundi yanda
(Bulemu!)
A kuula lufutuko lwangu
Aa cisamu ca Kalivari.

³⁸⁹ [Mukwesu Branham watalika kung’ung’una *Nda Mu Yanda*—Mul.] Lino kotamika buyo mutwe wako, nkabela atu Mu kombe lino mbuli mbo twiing’ung’una. [Mukwesu Branhamu wazumanana kung’ung’una *Nda Mu Yanda*.]

³⁹⁰ Mwami, obo mbo tulumbide! Ndili kkomene, Mwami, kubotelwa kapati nkambo ka Nduwe a bantu Bako. O Mwami, Wa kaula lufutuko lwesu aa Kalivari. Tuli kkomene kulu tambula, Mwami.

³⁹¹ Lino kotu soleka, Mwami, kwiinda ku Muuya Wako. Elyo ikuti na kuli bubi bumwi akati kesu, Mwami, kutasyoma kumwi ku Ijwi, bantu bamwi okuno, Taata, abo batazumina cisyomezyo coonse ca Leza kubelesya “ameni”; akube kuti Muuya Uusalala useluke lino, Sikutanta mbizi iituba, kuciindi Muuya Wakwe, Muuya wa Kristo, ku meso aa sikulwanakristo, a kwiita Bakwe Mwini. Ku baita kuzwa, Mwami.

³⁹² Akube kuti beempwe lino, kusika kuli Nduwe cakufwambaana a kuzuzigwa Mafuta a waini; a kucincwa kuzwa ku cikobela cakabungwe ca lufu lwa Kaini, kuya ku cikobela cituba buu ca Buumi Butamani, civozegwa aa Sibwiinga. Elyo mpawo bayo unka ku Cilalilo Camucado buzubabumwi, mu Ijwi lyaka simpikizigwa lya bubuke. Ko cipa, Mwami. Lingula myoyo, kuciindi bantu noba Ku lindila. Kwiinda mu Zina lya Jesu!

[Mukwesu Branham watalika kung’ung’una *Nda Mu Yanda*—Mul.]

³⁹³ Lino, lingula buyo moyo wako, mukwesu wangu, mucizi wangu, mweenzuma wangu. Nda kali andinywe kwa ciindi cilamfu. Eci citandila ku myaka ili makumi otatwe aitatu. Sena Nda kasola ku mwaambila cintu cili coonse mu Zina lya Mwami cita eco cakacitika? [Mbunga yaamba, “Peepe.”—Mul.] Lingula Kristo lino kuciindi nojisi coolwe cakucita. Inga cafwambaana loko kuboola awo mpo takonzyi kucicita. Mwabona? Inga wazwa

aa cuuno, kufumbwa ciindi, ca nkombelezyo Yakwe; mpawo inga walila a moyo wako oonse, inga wa dadalika, inga waamba mu myaambo, inga wazuza atala aansi lya cibuye, inga wacita cili coonse ncoli kuyanda, a kusangana mbungano yoonse mu inyika, taakwe cintu, takucikwe musamu uusalazya ku zibi zyako—zyako. Mpawo ino ucita nzi, ulaali mpawo?

³⁹⁴ Ee, Nda syoma, a moyo wangu oonse, cuuno cici julidwe. Nda syoma Walo ucili aa Cuuno ca Leza cabwami. Pele calino Uyo buka lino, a kuyutuka, ku kutaminina eco Nca kanununa. Walo ucita mulimo wa Sikamukowa Munununi, kuciindi Rute nalindila.

³⁹⁵ Pele calino, nywebo mulizi, Boazi nakamana kucita mulimo wa sikamukowa, mpawo wa kasika a kutaminina lukono lwakwe. Alimwi mbo mbubo Bbaibbele mbo lya kaamba kuti Wa kacita, “Wa kayutuka a kubweza Bbuku.” Mpawo kukombelezezya kwamana; Wa zwa aa Cuuno cabwami; taku cikwe Bulowa aa Cuuno ca Luse. Elyo mpawo ncinzi? Cuuno ca Lubeta.

³⁹⁶ Uta cilekeli kuyoambwa, bumwi bwa mazuba aya kuti, “Nda kali kuyeyya kuteeti Kukwempwa kwa keelede kuboola.” Elyo kumvwa Jwi kalyaamba, kusule, “Kwa kaina kaina.” Leza amu gwasye!

Lino atu kotamike mitwe yesu.

³⁹⁷ Mukwesu Neville, boola, ku kumwaisya na kufumbwa ncoelede kucita. Leza aku longeye, kusikila juunza masiku. 🐦

I CINAMATIZYO CANE TNG63-0321
(The Fourth Seal)

MATOBELANWA AA CIYUBUNUZYO CA ZINAMATIZYO ZILI CILOBA

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Bwane mangolezya, Miyoba 21, 1963, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2020 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org